

四庫全書

史部

欽定四庫全書

史部

行水金鑑卷一百五十四

詳校官監察御史臣王爾烈

刑部郎中臣許兆椿覆勘

總校官知縣臣繆琪

校對官典簿臣郭祚熾

謄錄監生臣楊其梓

欽定四庫全書

行水金鑑卷一百五十四

江南按察使傅澤洪撰

運河水

杭州府為浙江省會領縣九曰仁和曰錢塘

隋以前俱名錢

唐唐諱國號易唐為塘二縣並附郭

曰海寧曰富陽曰餘杭曰臨安曰

新城曰於潛曰昌化運糧正兌改兌共十萬五千石

本大清會典通志十七萬六千三十六石零外又每石加耗四斗謂之隨船作耗故通志所載有如

此之多也仁和錢塘富陽三縣便民倉俱在北新關各府同

水次餘杭倉在本縣靈源城署橋臨安倉在餘杭倉之左並自府西北來至關上海寧倉在本縣長安鎮

水次新城於潛昌化三縣水次未詳運河自北新關

在仁和縣境十里至謝村二十里至武港俗名五十里至

塘棲與德清接界海寧之糧船來會九里至落瓜橋九里

至五黃橋九里至雙橋九里至嘉興府石門縣界之

大麻與德清接界吳中水利書云下塘河即運河在府城東北四派皆合於餘杭塘河一派由府

城溜水橋沿東西馬塍至賣魚橋西合餘抗塘河一派由打水樓南折至江漲橋入一派由八字塘至古塘橋下折入一派由西堰橋西至飲馬橋亦折入是河由餘抗縣而來凡七十里下塘河自武林門水由西湖過吳山水驛接清河上中下三閘至德勝橋與城東外沙河等水合分為二派一由東北至長安壩一由西北過德勝壩下注至江漲橋與子塘河合流至北新橋北入湖州府界東北接新開運河遂通蕪松二府矣餘抗縣南上湖南下湖在縣城南漢時所開源發自天目由臨安來至縣南從石門入兩湖東流為南渠河又東為餘抗塘河天目山水一源東發而為臨安縣南溪過縣東南入餘抗縣界又一源南發而為馬溪又高陸山去縣北二十五里源發而為猷溪各入餘抗至雙橋合流而為雙溪又東過山港徑山源水來會東入河港過靈源港入錢塘縣境通會於塘河

河防志云仁和縣運河自北新關起至

石門大麻止一作大茅計程九十里
以下俱鄭元慶七省漕程

嘉興府在省城東北領縣七曰嘉興曰秀水

並附郭

曰

嘉善曰海鹽曰平湖曰石門曰桐鄉運糧共三十萬

五千石

本大清會典通志六
十萬三千一百三十石零

運河自大麻十里

至宋老橋十里至石門縣阜林驛便民倉在運河東

去縣七十步二十里至石門巡司二十里至桐鄉縣

阜林鎮巡司便民倉在焉二十里至斗門二十里至

嘉興府西水驛

在通越門外

嘉興縣倉在鴛湖之旁秀水

縣倉在縣西南二百步自通越門五里至杉青閘巡
司海鹽縣在府東南倉在西關平湖縣在府東倉在
縣西水次嘉善縣在府東北倉在縣西二百步俱來
會於杉青運河十五里至金橋鋪十五里至蘇州府
吳江縣界之王江涇又三十里至平望驛自平望至

姑蘇驛與湖州同

史鑑吳江縣運河說云杭州錢塘諸山發源下流為西湖東出北關

門又北逾仁和及嘉興之石門桐鄉秀水諸縣至於王江涇而吳江運河起於此河之西為石塘有橋曰聞店內為市蓋秀水吳江之民雜居焉橋下衆水走湊東入於河自南徂北十里而至於市涇又八九里

而至於合路折而西流又一二里至於黎涇又四里
至於南六里皆有橋臨塘西南受鵝溪之水而入於
河溪之源又出其東南曰腫龍灣相傳宋高宗南渡
時宿此下有泉騰湧上常混混波面也河繇六里橋
而西四五里而至於百星橋又西至於下湖橋折而
北流數百步許為平望鎮居民日集市中河西有驛
名興鎮同是為南塘之水河防志云石門縣運河
自仁和縣界大麻起至桐鄉縣界石門鎮接待寺止
計程三十里桐鄉縣運河自接待寺起至秀水縣界
正家橋止計程三十里秀水縣運河自正家橋起至
吳江縣王江涇止計程六十里

湖州府在省城西北領州一曰安吉縣六曰烏程曰

歸安並附郭曰長興曰德清曰武康運糧共二十二萬石

本大清會典 通志三十 孝豐縣在萬山中無漕

九萬三千九百一十二石

糧也德清倉在縣南三里武康倉在縣西三十步並

自南而來長興倉在縣東門外安吉倉在梅溪鄉瀆

口並自西而來而烏程歸安二縣倉俱在府南門內

運河自府城東八里至八里店九里至昇山

晉王右軍嘗昇

此山故名 十八里至舊館十五里至東遷

舊為縣

十二里至

南潄鎮鎮之東柵外即蘇州府吳江縣曹村自曹村

十里至震澤巡司八里至雙楊橋十八里至梅堰十

二里至平望驛二十里至八尺

一作八斤又作八折

二十里至

吳江縣松陵驛二十里至長洲縣尹山橋二十里至

蘇州府盤門三里至胥門姑蘇驛

史鑑吳江縣運河說云湖州府苕霅

二溪合為一東流為荻塘過南潯鎮東入吳江縣界水東北流三里至曹村之駟馬橋又五里至楊定橋皆在河陽土塘上又三里至震澤鎮有巡檢司蠡澤之水自河陰來會焉河之陽有四橋曰新興曰通泰曰曲橋曰張灣以分洩水勢中為大石橋三皆橫跨河上東曰底定西曰思范其中曰慶源水繇三橋下東行十里至雙楊村過柳塘橋而河之陽復有永安衆安斜路三橋又十八里至梅堰東吳西吳二橋在其北而中濟一橋貫其中又十二里至平望鎮諸家六里洩水三橋界其側自曹村至此五六十里間凡

橋在河陽者皆南受河水而北流入太湖鶯脰一湖在其陰東納穆溪西通麻溪南吞爛溪諸水渚而為澤與運河合流而東有亭臨之名曰望湖稍東經大通橋又東逾巡檢司道安德橋下東出市中與南塘之水會而為一二塘之水既北合流至通安橋橋甚高大跨東西兩岸水從其下過循石橋北行經長老橋又七里至洪水橋又三里至盛墩有橋在河西曰泉腰又六里至翁涇橋又四里至八斥塘南有橋曰廟涇北有橋曰太浦錄太浦逾北可十里許為白龍橋又一里為徹浦橋又一里為龔家橋自此河折而西北流又四里即甘泉橋也下有泉甚深味甘色湛湛寒碧唐陸羽嘗品為第四故又呼為第四橋又北行為三山寧海萬頃仙槎四橋河益折而西又六里至於三江橋吳越春秋云范蠡乘舟出三江之口疑即其處蓋太湖之水東注吳淞而入於海實由於此自三江橋至長橋巡檢司又西為太湖廟又西為松

陵驛又西為儒學又西為三高祠祠臨雪灘上中祀
越上將軍范蠡晉東曹掾張翰唐右補闕陸龜蒙由
雪灘而西是為長橋長一百三十大橫截江湖中有
亭曰垂虹河又折而東流出永濟橋下經邑屬壇至
三里倉前會城東之水並趨而東又與長橋巡檢司
關前之水會道三里橋北流入運河土塘在其左又
二里有水自西來曰深港又三里而會七里港之水
北流到長洲縣界湖州府新志稿云湖州水源自
西來者曰苕溪源出自天目山其源有二一發自天
目山之陰廣苕山東過金石鄉又東過靈奕鄉又東
過安吉縣南之邵渡又東南過章渡又折而北至丘
渡與獨松嶺水合一發自獨松嶺西合衆山之水東
過浮石山南又折而西北至丘渡與天目山水合二
水合而東過倪渡又折而西又折而東北過梅溪鎮
北為龍溪又北過吳山又北過彭匯又東過和平入
凡常湖箬溪四安塘諸水北來注之匯為西溪北過

釣魚灣入北過青塘門又折而東至臨湖門與江渚
匯水合又自西溪東入清源門又東過儀鳳橋至於
江渚匯入自清源門折而南又折而東出愈思橋與
峴山漾南來水合又自西溪北過青塘門又東北下
橫涇港經小梅港口以入太湖自南來者曰前溪曰
餘不溪曰北流水前溪源出銅峴山東流四十九里
抵武康縣前千秋橋名前溪又東過縣學前分為二
派其一北流經黃隴山又東至沙村號沙溪與德清
縣北流水合入郡之定安門經前溪匯為霅溪其一
東流經下渚湖之南與餘不溪水合餘不溪源出天
目山之陽東過臨安縣北又東過餘杭縣東又東過
錢塘縣之安溪入東過奉口入東南抵德清縣折而
東北過闕山漾又北過菱湖西又西北過荻港折而
西為大灣與前溪水合又北經峴山漾又北入定安
門至於江渚匯入自峴山漾東過溪灣又東過迎春
門折而北過鎖條橋又折而東北與諸水大會於毘

山漾入太湖北流水在德清縣前其水從餘不溪至縣東分派折入清河橋下北流至沙村與武康前溪水合又北至峴山漾與餘不溪合入定安門至江渚滙為霅溪霅溪即江渚滙是也其源從南來者曰餘不溪曰前溪曰北流水三水會於峴山漾而入定安門從西來者曰苕溪自清源門而入四水總聚於江渚滙霅然有聲故謂之霅溪又謂之霅川霅溪一出迎春門為運河東過八里店又東過舊館又東過南潯入吳江縣界一出臨湖門北分流諸濠入太湖又自臨湖門繞城至迎春門會於運河禹貢揚州厥土唯塗泥厥田唯下下厥賦下上上錯而今之杭嘉湖與蘇松賦稅獨重而湖州之賦稅非但重於杭嘉而且重於蘇松且詳明實錄會典與本朝會典可考而知也祝技山前聞有云三吳在古其民皆斷髮大身以與蛟龍雜處若空其地為最下也今財賦日繁而古之遺跡不異其水之不為害者天幸爾萬一

泮水不知何以處之吁可畏哉

松江府

以吳淞江得名因惡水旁故用松字

在江南省城東南領縣四

曰華亭曰婁縣

並附郭

曰上海曰青浦運糧共二十三

萬二千九百五十石

本大清會典通志四十萬一千七百九十石零兩

縣水次倉在府城西門外諸縣未詳運河自西門四

十五里至青浦縣而上海在府東北自周涇口十口

里亦至青浦縣北至大盈浦出吳淞江過西入婁江

經崑山縣南門又西至沙湖隄至和塘歷永康永慶

永寧三橋至蘇州府婁門遠城歷葑門盤門胥門閘

門與浙江三府之糧艘會焉

江南通志云松江即吳淞江在府北七十四里

一名松陵江其源出震澤自吳江長橋東流至尹山北流至甫里東北流至澱山北合趙屯浦東合大盈浦又東合顧會浦松子浦盤龍浦凡五大浦薛澱湖在府西北七十二里一名澱山湖以中有澱山也源自長洲白蚬江經急水港而來周迴幾二百里實古鍾水之地北過趙屯浦東過大盈浦入於松江東南由爛路港以鍾三泖三泖在府城西南一十八里廣韻泖華亭水也晉陸機對武帝曰三泖水溫夏涼圖經泖有上中下之名而舊縣圖又以近山涇圓者曰圓泖過泖橋闕者曰大泖自泖而上紫繞百餘里者曰長泖宋寶元元年兩浙轉運副使葉清臣開松江盤龍漚漚界華亭崑山之間淳熙十三年羅點提舉

浙西常平以澉山湖洩諸水道奏乞開浚明正統六年巡撫周忱修導吳淞江立表江心盡去壅塞天順二年巡撫崔恭訪求吳淞江利病親詣相治分江為三段上海縣自白鶴江至卞家渡嘉靖元年工部郎中顏如環督同松江知府開浚趙屯大盈等浦以通吳淞江之上流崇禎元年禮部主事蔡懋德因大水陞對請開吳淞白茆等江以修水利七年巡按御史祁彪佳督浚華亭蒲匯官紹等塘上青蒲匯莘莊等塘萬餘丈本朝康熙十年巡撫馬祐開浚劉河吳淞江張國維吳中水利考云周烈王十五年焚春中君黃歇治水松江導流入海後人因其姓黃曰黃浦亦曰春申浦宋大觀元年命疏導松江三年中書舍人許光凝開淘吳淞江置臨政和元年修松江隄易土以石四年知松江府鄭聞知華亭縣侍其銓浚大港築堰置牐支常平充費紹興四年鹽官縣丞王珏開華亭縣瀕海河浚河凡二百餘以通漕十五年

秀水通判曹泳重開顧會浦自華亭縣北門至青龍鎮浦凡六十里南接漕渠而下屬於松江乾道元年開華亭縣顧會浦淳熙十七年提舉浙西常平劉穎疏澱山湖泄吳淞江元至元初中書省准浙江行省咨任仁發言吳淞淤塞奏立都水監仍於中江中書以聞特命行省平章薩里提舉修浚一切便宜經畫以松江故道湮塞西自上海縣界東抵嘉定石橋洪迤邐入海袤三十有八里元大德八年浙省平章揚珠濟達徹爾浚吳淞江十年行都水少監任仁發浚吳淞江至治三年詔開吳淞江澱山湖及諸河渠泰定元年浚澱山湖二年浚吳淞舊江大盈浦烏泥涇至正元年浚吳淞江修渠堰松江府西外門漕渠自秀野橋至跨塘橋一段石湖橋五舍橋二段及張涇風波塘南俞塘北俞塘鹽鐵塘官紹塘盤龍塘蒲滙塘六磊塘石浦塘十處明永樂二年夏原吉治水於上海東北浚范家浜接黃浦通流入海景泰二年松

江府知府葉冕築澱山湖隄天順三年巡撫崔恭浚
吳淞江弘治元年蘇松水利道伍性浚蘇松二府江
浦六年伍性浚吳淞江及松江府諸浦塘七年徐貫
開浚吳淞白茆等江港洩運河之水由江陰入江嘉
靖元年巡撫李充嗣浚吳淞江二年工部郎中林文
沛督率華亭縣開各塘港諸水使各通黃浦吳淞江
入海隆慶三年巡撫海瑞大開吳淞江萬歷五年巡
視下江御史林應訓浚吳淞江應訓開江工費疏略
云看得黃浦橫潦涇經秀州塘入南泖至山涇港等
處急應開浚此河一開則雲間西來之水無所阻滯
而黃浦之流益快得旁達以資灌溉之澤矣十
六年蘇松常鎮水利副使許應達浚吳淞江

蘇州府在省城東南領州一曰太倉縣七曰吳縣曰

長洲

並附郭

曰崑山曰常熟曰吳江運糧共六十九萬

七千石

本大清會典通志云一百六萬四千二百六十四石零

嘉定縣地不

產米崇明縣孤懸海中俱無糧也長洲倉在閭門內

水次吳縣倉在葑門內水次

諸縣未詳

運河吳江縣水次

在北門外三里橋自府南二十里至長洲縣尹山橋

二十里至盤門三里至胥門太倉水次在大西門外

崑山水次在縣治南並自府東來太倉四十里至崑

山二十里至晉義巴城巡司十里至夷亭二十里至

跨塘橋十里至婁門

闕

里至閭門常熟縣水次東倉

在縣治北南倉在翌京門外二十里至李王廟五里

至紅塔二十五里至理口巡司二十里至陸墓五里

至齊門口里至閭門十里至楓橋二十里至許墅關

二十里至常州府無錫縣界望亭

江南通志云運河即古之邗溝嘉興

南來水自嘉興石塘由平望而北逶迤府城為胥江為南濠至閭門無錫北來水自望亭而南經許墅楓橋東出渡僧橋交會於閭門外勢甚湍急故吊橋為第一洪元和塘即北來運河俗稱雲和塘南屬長洲縣北入常熟縣界西為尚湖長十五里廣九里上有虞山頗為奇勝至和塘自婁門東經沙湖入維亭至崑山縣周敬王二十五年吳行人伍員鑿河後人名曰胥浦在蘇州境自長泖而東周元王元年越大夫范

蠡開漕河在蘇州境越伐吳蠡開此轉饋亦名蠡湖
宋慶歷二年通判李禹卿隄太湖八十里為渠益漕
運嘉祐三年轉運使沈立開崑山之顧浦六年崑山
知縣韓正彥開白鶴江政和六年御筆訪問水利命
趙霖充兩浙提舉措置興修浚平江常州一江二浦
五十八瀆紹興二十八年檢會周環面對浙西水利
命漕臣按視轉運副使趙子滿平江知府蔣燦計料
開浚次年正月興工從常熟東柵至雉浦入於涇開
福山塘自下涇口至尚墅北注大江分殺水勢二月
畢工明永樂二年朝廷以蘇松水患命工部尚書夏
原吉疏治尋遣僉都御史俞士吉齎水利集賜原吉
使講究拯治之法以聞既得請遂集民丁開浚自崑
山下界浦掣吳淞江之水北達婁江挑嘉定縣四顧
浦南引吳淞江水北貫吳塘亦由婁江入海浚常熟
白茆塘引太湖諸水入揚子江正統七年巡撫周忱
開治河渠景泰五年侍郎李敏知府江潁浚白茆等

塘天順二年巡撫崔恭開浚吳淞江分江為三段崑
山縣自夏駕口至白鶴江嘉定縣自卞家渡至莊家
涇弘治十年工部主事姚文灝築長洲沙湖隄正德
七年俞諫請留闕稅浚白茆港十六年巡撫李充嗣
浚白茆港吳淞江嘉靖元年工部郎中顏如環督同
蘇州知府徐贊自下界口浚起至龍王廟舊江口止
隆慶元年巡鹽御史蔚元康浚常熟太倉嘉定三州
縣境浦塘涇萬厯五年巡江御史林應訓檄蘇州府
同知王事聖勘浚自吳江縣龐山湖口至長橋達吳
家港自崑山縣慢水港起至嘉定縣徐公浦又建千
墩浦夏駕口二閘六年應訓開江工費疏略看得自
艾祁至崑山慢水港六十餘里急當開浚此江一開
則太湖之水直入於海歲或淋澇可免泛溢崇禎九
年崑山知縣楊永言浚夏駕浦長洲修至和塘皆巡
撫張國維所飭行也 本朝順治十二年太倉知州
白登明因婁江塞開鑿朱涇自東濛至和塘起由界

涇石婆港湖川塘楊家浜南灣漕東出江口旁浚北
灣漕至葛涇鎮之新塘十四年白登明又議開劉河
中段鹽鐵河起石家塘止康熙二十年巡撫慕天顏
開浚常熟之白茆港蘇州府志云唐元和二年觀
察使韓臯刺史李素開常熟塘自齊門北抵常熟長
九十里因名元和塘五年刺史王仲舒隄松江為路
時松陵鎮南北西皆水鄉抵郡無路至是始通今吳
江縣城北三里橋北行至長洲縣界七里橋曰古塘
自觀瀾鋪至澈浦鋪十里曰石塘自澈浦至平望三
十里曰官塘自平望南行至秀水縣王江涇曰土塘
荻塘宋至和二年崑山主簿邱與權等作崑山塘為
橋五十二名至和塘沈括考云塘自崑山縣達於婁
門凡七十里自古皆積水無陸路民病涉久欲為長
隄抵郡城澤國無處求土嘉祐中有獻計就水中以
蓮條為牆栽兩行相去三尺去牆六尺又為一牆亦
如此流水中淤沉實蓮條中俟乾則以水車畝去兩

牆間舊水牆間六丈皆留半以為隄脚掘其半為渠
取土以為隄每三四里則為一橋以通南北之水不
日隄成至今為利元豐三年詔賜米三萬石開蘇州
運河淳熙元年提舉薛元鼎奏開運河五十四里嘉
定十年知平江府趙彥楠疏錦帆涇以達運河六年
發運使魏峻疏至和塘來自夾浦塘西至戴墟浦咸
淳元年命知平江府沈度開決許浦白茆浦崔浦黃
泗浦菑涇浦下張浦七鴉浦川沙浦楊林浦掘浦等
處至治三年詔開吳淞江常熟崑山嘉定三州共工
三百六十一萬有奇明洪武九年開浚劉家港白茆
四近昆承湖南諸涇及至和塘等處淤淺題設長洲
常熟崑山三縣吐納湖海水堰壩正統六年崑山縣
間至和塘新塘鹽鐵塘楊林塘黃昌涇鰻饒涇成化
十年巡撫畢亨與知府丘霽議開吳淞江嘉定崑山
二縣分挑用夫四萬六千有奇弘治十年工部姚文
灝浚至和塘東自新洋江口起西至九里橋浚七鴉

浦自尤涇東至木樨灣十一年工部郎中傅潮浚常熟許浦梅李二塘浚至和塘并崑山嘉定二縣各涇浦十二年築沙湖隄隆慶二年常熟知縣張博建白茆港石閘三年巡撫海瑞題開吳淞江白茆港萬厯二十六年許堅闕主事管學畏修築沙湖隄三十三年太倉州判官李枝秀浚鹽鐵塘自州西門起至常熟縣白茆塘界吳江知縣劉時俊築石塘北自長洲縣界南至浙江秀水縣界四十年崑山知縣陳祖苞浚至和塘天啓四年巡撫周起元請浚吳淞白茆疏聞崇禎十年浙江道御史李謨請浚吳淞白茆并復設治水部臣疏聞本朝康熙十年巡撫馬祐開劉河吳淞江完工疏聞按二水雖通要皆取導於上流吳淞江則吳江控其上百三十里而貫青嘉之錯壤三十里而入上海至宋家橋之閘劉河則邵城扼其上百二十里而沿嘉邑邊境二十里而入太倉至天妃宮之閘二水通塞視上流之導下流之疏今浚

吳江之垂虹橋自菴滙至龐山湖口二十餘里入修
甯帶橋諸水洞上流既通蘇松郡邑可得沾水利於
無窮焉而下流決排全倚二閘閘以抑沙沙即淀閘
淤蕩失時恐終淤是在江口司閘之職云張國
維吳中水利書云蘇州原隰東西北高印獨西南卑
陷具區浩淼無涯從此駛入西北境港漬又合梁溪
以南諸水為之貫注而蘇誠澤國唯水勢至此漸平
故曰平江順水唯東流趨納滄海僅有吳淞婁江白
茆港三道然晝夜潮汐逆上故水勢來疾而去緩稍
遇霍蘇患偏甚於他郡更松抗嘉湖四府運艘及南
北商販芻糶方舟共取道蘇境所為裨國計惠民生
者漕渠并急說者謂浚吳淞婁江白茆之餘力即無
治焉以逮四境周環之河脈斯實根本之論宋至道
二年知蘇州府陳省華議築崑山塘大中祥符五年
兩浙轉運使徐奭奏置開江營兵專修吳江塘路治
平三年浙西提刑元積中開運河元豐三年詔開蘇

州運河自蘇州至杭州元祐六年詔導蘇州諸湖元符三元詔蘇湖秀三州役開江兵卒浚治運河重和元年知崑山縣吳昉修至和塘乾道元年開崑山縣新洋江至和塘常熟縣白茆等浦淳熙二年兩浙運使姜說奏開常熟諸浦知平江府陳峴開運河五十里六年發運使魏峻疏至和塘嘉定七年常熟知縣惠疇築元和塘甃石為路以達府元至元二十四年宣慰使朱清導婁江弘治四年疏浚漕河八年修婁江隄自蘇州府城婁門起至太倉衛城止十一年浚至和塘嘉靖二十四年太倉知州周士佐築婁江隄萬歷六年浚宜興縣閔溪以通漂陽運道三十三年吳江知縣劉時俊築石塘北自長洲縣界南至浙江秀水縣界三十七年常熟知縣楊連築元和塘自縣南門外至長洲縣界三十九年崑山知縣祝耀祖築至和塘自城西門起至長洲縣界四十二年長洲知縣胡士容築至和塘天啓四年崑山知縣閔心鏡

浚運何以松江府屬入境運道淺淤故也崇禎二年
宜興知縣李獻廷浚運河自東門起至武進縣界八
年巡撫張國維修吳江石塘時塘圯石墮哽噎欲寬
無阻漕運緯挽檄知縣章日烓勘核自平望至長橋
三江橋等處並修葺之九年疏導吳江縣長橋至九
里石塘十年重修至和塘河防志云蘇州府吳江
縣運河自秀水王江涇起至長洲縣界止計程八十
里長洲縣運河自吳江縣界起至常州府無錫縣界
望亭止內自城濠至廣孝阡起至楓橋十餘里
係吳縣河道交錯於長洲縣境計程八十五里

常州府在省城東領縣五曰武進

附郭

曰無錫曰宜興

曰江陰運糧共十七萬五千石

本志三十四萬二千七百

百八十九石零唯靖江一縣則無糧也宜興在府南有運河

直北五十里入武進界江陰在府東有九里河直南而西又南而西至山塘河入武進界疑即江陰之運河也府之運河自望亭十里至新安三十里至無錫縣錫山驛十里至黃婆墩五里至高橋巡司五里至潘楓鋪十里至洛社十里至五牧十里至橫林十里至戚墅堰十里至丁堰十里至白家橋十里至常州府毘陵驛十里至新閘五里至連江橋十二里至三里巷三里至武進縣奔牛巡司十里至張店十里至

鎮江府丹陽縣呂城鎮巡司

宋史嘉泰元年守臣李珣言漕渠東起望亭西

止呂城一百八十餘里形勢西高東下加以歲久淺淤自河岸至底其深不滿四五尺常年春雨連綿江湖泛漲之時河流忽盈驟減連歲雨澤愆闕江湖退縮渠形尤亢間雖得雨水無所受旋即走泄南入於湖北歸大江東徑注於吳江晴未旬日又復乾涸此其易旱一也至若兩旁諸港如白鶴溪西蠡河直湖烈塘五泄堰日為沙土淤漲遇潮高水泛之時尚可通行舟楫若值小汐久晴則俱不能通應自餘支溝別港皆已堙塞故雖有江湖之浸不見其利此其易旱二也況漕渠一帶網運於是經由使客於此往返每遇水澀網運便阻一入冬月津送使客作壩車水科役百姓不堪其擾豈特溉田缺事而已望委轉運提舉常平官同本州相視漕渠并徹江湖之處如法浚治盡還昔人遺跡及於望亭修建上下二閘固護

水源從之明會典弘治七年開常州府百瀆洩荆
溪之水自西北入於太湖開各斗門洩運河之水由
江陰縣入江江南通志云周泰伯開瀆後人名曰
泰伯瀆即孟瀆也宋慶歷間知縣事許濬開武進之
申港濬子港咸墅入江申港六十八里濬子港自江
口浚之四十里咸墅港自河口浚之九十里崇寧間詔
常潤二州開浚運河時知常州陳襄以太湖積水橫
遏運河不得入江議請開浚政和六年趙霖提舉兩
浙常平浚常州浦瀆淳熙元年知常州趙善防修奔
牛閘本朝康熙二十年巡撫慕天顏開浚武進之
孟河張國維吳中水利書云無錫居東南下流漕
渠在南直瀉許墅在西北其水或屈從諸港北達大
江然洛社以上地高河流易澀運拮商貨往往遲滯
按時疏治倘亦可水衡之最急務乎武進方輿偏處
郡之西北獨居上流東南臨震澤西南介太湖而漕
渠自西貫東京口雲陽諸水皆從此傾注不獨運艘

商船倚以為命而諸鄉畝亦資灌溉故奔牛而下
舊建水閘以為節宣境內湖滄溪潭受小澤瀦水港
瀆河渠收納江潮仰挹湖水孟瀆一河尤為出江要
道疏浚不可曠失昔人有言興武進之水利固以西
北為先祛東南之水患尤以治西北為要唐元和間
常州刺史孟簡既開泰伯瀆復浚一瀆後人稱為孟
瀆南唐保太元年修孟瀆水門宋慶歷三年知武進
縣楊璵浚孟瀆皇祐中知江陰軍葛閣浚運河嘉祐
間知常州王安石開運河宣和五年廉訪劉仲光漕
臣孟庾浚常州鎮江二府運河乾道九年知江陰縣
貝欽世浚治運河淳熙二年武進縣丞韓隆曹尉泰
膺剛浚常州運河三十里十三年浚武進運河嘉泰
元年知常州李珣浚漕渠修望亭上下二閘三年知
常州趙善防知武進縣丘壽雋修奔牛閘嘉定十二
年知江陰軍邢燾浚九里河及城內外渠寶祐二年
詔築呂城寶堰元泰定元年浚常州路江陰州各通

江河港明洪武三年常州知府孫用重建烈塘開治
奔牛閘二十四年武進縣浚烈塘改名得勝新河二
十七年常州浚運河浚孟瀆三十年武進縣建孟河
閘永樂四年詔浚孟瀆十一年江陰縣重浚運河宣
德九年巡撫周忱建孟河閘正統六年重修孟河閘
成化四年巡撫邢宥常州府知府卓天錫修復奔牛
上閘弘治八年浚孟瀆等河通漕運十一年浚武進
宜興二縣運河正統八年常州府知府李嵩浚運河
嘉靖二年武進縣開得勝南新河江陰縣開青腸河
西山塘九里河以洩運河之水於揚子江無錫縣開
閘江港又開西新河永安河包沿河蘇塘河以洩運
河之水使歸常熟宛山蕩散出白茆諸港重浚烈塘
二十五年武進知縣李修烈塘開萬厯六年重修烈
塘閘三十六年常鎮道蔡獻臣浚武進運河三十八
年常鎮道臧爾勸浚武進江陰二縣運河四十三年
武進知縣楊所蘊浚運河天啓三年常鎮道曾道唯

浚江陰運河六年常鎮道周頌浚武進運河自龍背
尖至東倉閘江陰知縣岑之豹浚運河崇禎四年常
鎮道吳麟瑞浚江陰縣九里河五年浚武進縣運河
自談家場至下田橋乃宜興溧陽二縣運道六年常
州府知府洪周祿浚江陰縣九里河七年浚無錫縣
運河自錫山驛至洛社遇淺即浚十年常鎮道曾化
龍浚江陰運河馬汝璋水利圖冊序云水道以運
河為主而衆流宗之大江遠我郡境西自京口分流
歷丹陽貫郡城而東趨者運河也史記漢書注北江
從毘陵縣東北入海者後廢而隋鑿之今於奔牛鎮
置閘以節上水次則孟瀆烈塘諸河皆在本縣之西
上流引江以通漕灌而綱頭丁堰以東諸港凡在本
縣之東下流者皆自運河分派北經無錫江陰之境
而達之江舊志序沿江諸港皆自江而入後賢以為
倒置源流蓋諸港旱則引江潮以供灌漑澇則由此
而注之江此運河以北之水源也若運河以南白鶴

溪蠡河諸水皆為運河之支流雨則水下於太湖從
宜興而東注靖則水上而散入諸港自戚墅港而東
諸水皆北枕運河東南而入太湖腹裏河港千支萬
派交流錯注不外於此此水源之大略也宋史載常
州諸水敘運河以北之水似也謂金壇洮河之水可
通白鶴溪太湖之水可入蠡河則繆變汨陳矣河
防志云常州府無錫縣運河自長洲縣界望亭起至
武進縣界五牧頭止計程一百里武進縣運河自五
牧頭起至丹陽縣界九
里鋪止計程一百里

鎮江府在省城東領縣三曰丹徒曰丹陽曰金壇運

糧共八萬石

本
六萬
大清會典
一千五百三十三石零
通志十

俱截留京口

以為駐防兵糈運河自呂城十里至錫口十里至凌

口十里至楊青鋪三里至七里橋十里至丹陽縣雲
陽驛七里至七里廟十三里至張官渡五里至黃泥
壩十五里至新豐九里至大瀆山九里至月河九里
至丹徒鎮巡司十里至猪婆灘十里至鎮江府京口

驛五里至馬頭過江至揚州府瓜洲鎮

元史至治三年省臣奏江

浙行省言鎮江運河全藉練湖之水為上源官司漕
運供億京師及商賈販載農民來往其舟楫莫不由
此宋時專設人夫以時修浚練湖湖蓄潦水若運河
淺阻開放湖水一寸則可添河水一尺委官相視浚
治運河自鎮江路至呂城壩長百三十一里役夫萬
五百人六十日可畢又用三千餘人浚練湖九十日

可完明會典嘉靖六年浚丹陽至京口驛諸處淤
淺令運船避孟瀆風濤之險萬厯四年丹陽一帶運
淺阻議准挑浚練湖上下并浚孟瀆河通江江南
通志云大江在府治西北六里即揚子江也一名京
江東至大海北拒廣陵郡城臨其南岸金焦障其中
流魏文帝將南征臨此江見波濤洶湧歎曰天所限
南北也漕河自江口至南門九里入南至丹陽九十
里水道經大小夾岡夾岡在丹徒縣有二縣南者曰
小夾岡在丹陽北者曰大夾岡皆漕河所經也海
河在府治西北守郡守史彌堅開西北通京江東南
漕渠珥漕河在丹陽縣南七里自漕渠經珥村鎮達
金壇俗呼七里丹徒港在府治東南十五里南抵漕
河有壩北入於江新豐湖一名新豐塘在府治東南
三十五里晉大興初晉陵內史張闔以所部四縣並
以旱失田闔乃立曲阿新豐塘灌田八百餘頃練湖
在丹陽縣北周四十里一名練塘晉陳敏據江東令

弟詣過馬林溪引水爲之以溉雲陽號曲阿後湖塘人取湖下地作田分上下二湖唐永泰中重開下湖宋紹聖間重浚治斗門更浚湖之近田者元及明皆相繼修築練湖之口有化岡隋大業間敕穿江南自京口至餘抗八百里唐永泰中轉運使劉晏開丹陽之練湖作斗門以通灌溉宋慶厯中鄭向爲兩浙轉運使疏蒜河漕渠抵於江治平中修夾岡河道乾道六年郡守蔡洸自丹陽南浚河至夾岡嘉定中自江口浚至城南長一千八百六十九丈闊十餘丈復五開以時蓄洩元至元大德泰定間屢浚明天順中重浚復鑿社稷壇西隙地以通濠塹達於漕河本朝康熙十九年科臣張鵬請開浚練湖巡撫余國柱勘將上湖工費不繁者令民上價墾種下湖工費浩繁者仍留爲湖張國維吳中水利書云鎮江據京口上游其地高於蘇松數十丈水勢趨下如駿馬下坡所隸三縣丹徒全境遠江丹陽沿江境少而土原與

丹徒埭四郊衍漫皆江湖濁水易於淤積去少而來多又練湖每遇泛溢蘇松並受其患古人於要害置閘及添石碶函管隨時節宣並有深意至浙西一路北上運般官舫悉由漕渠漕渠自昔鑿山開導闊廣有限岸土壁立遇雨衝淋崩墮河底水淺舟滯歲歲待湍民力苦矣練湖說云練湖卽諺所謂開家河也在丹陽縣北百二十步自馬陵至縣治沿河上下週圍約六十餘里乃丹陽所視以為利病者也何也丹陽乃運道所經運河之通塞常係於湖水之收放十六水亟與七石恒是也運河之水原係江湖從京口丹徒二閘而來若江水洶時則二閘之水不至而運河不通所資者間練湖諸閘之水而已向來豪家多占湖為田此義不明已久須縣令留心經理當水洶之日禁民開閘常養湖水以備蓄泄斯利莫大焉不可忽也晉陳敏鑿練湖齊建武中鑿丹徒雲陽運瀆唐開元十五年丹陽刺史徐口開京口以郡北隔江

舟行繞瓜步多風濤之險乃於京口埭下開河二十五里渡江南唐昇元元年知丹陽縣賀延貞浚練湖作斗門以通灌注宋紹聖中知丹陽縣蘇京重浚練湖并易置斗門元符三年漕臣曾孝蘊築鎮江歸水澳開宣和五年修閘補葺練湖乾道七年詔漕臣沈度修築練湖八年知鎮江府宋況浚運河自利涉河至江岸淳熙二年知鎮江府張津浚京口閘河以北至江口十六年提舉浙西常平詹體仁督平江常州鎮江三府開漕渠置斗門體仁謂浙右之有漕渠非止通饋運資國信往來而已蘇秀常潤田之高低者實賴之故盡心是役是年總領錢良修丹陽練湖橫壩及諸斗門碇出嘉定元年鎮江府築呂城中閘浚江口河置閘丹徒縣主簿馬榮祖修築練湖淳祐二年知鎮江府柯元壽修練湖復閘景定三年知丹陽縣趙必據修築練湖岸埭元至元三十一年詔丹陽縣浚練湖大德九年行都水監浚練湖至治四年詔

鎮江路路漕渠修練湖泰定三年疏漕渠修浚練湖
明洪武二十五年命崇山侯李新道抗嘉湖蘇松常
鎮七府運河建文元年鎮江府知府劉辰丹陽知縣
董復重浚練湖正統六年丹陽知縣陳誼築練湖隄
修斗門景泰五年修練湖天順三年浚鎮江漕河修
京口甘露呂城奔牛各閘成化二年丹陽知縣蔡實
築練湖隄置斗門函管弘治十三年丹陽知縣高謙
修築練湖嘉靖四年浚丹陽至京口驛諸淤淺河道
令運船避孟河風濤之險隆慶三年修練湖隄岸萬
厯四年宋儀望建金壇縣運河三閘五年巡視下江
御史林應訓疏孟瀆浚練湖三十二年丹陽知縣韓
萬象浚運河自丹徒至武進縣界三十五年丹陽知
縣曠鳴鸞浚運河自倉前起至觀音山三十九年知
縣曠鳴鸞浚運河自新閘三義閘起至轉河四十一
年鎮江府水利通判張畏天浚丹徒運河自草舍頭
至凌口四十三年丹陽知縣王志道浚運河自青陽

至基莊四十六年鎮江府同知邢登雲浚丹陽運河
自柵口至青龍橋天啓元年丹陽知縣袁鯨浚運河
自觀音山至草堰四年鎮江府同知林而廷浚運河
自丹徒縣界至武進縣界崇禎元年丹陽知縣蔡如
燕浚運河自呂城至武進縣界二年常鎮道吳時亮
浚武進縣運河水倉灣至龍背尖新開至連江橋東
沙溝至奔牛三官塘四年丹陽知縣王範浚運河自
草舍頭至石洋子六年鎮江府照磨署丹陽縣事張
世家浚運河自三義閣至馬家洲又自凌口至呂城
十一年巡撫張國維浚鎮江漕渠河防志云鎮江
府丹陽縣運河自武進九里鋪起至丹徒縣界草舍
頭止計程八十五里丹徒縣運河自草舍頭起至大
江口止計程七十里 甯梅軒偶存云予奉委查勘
江南運河勘得丹徒縣境內丁卯橋豬婆灘華家莊
龍王廟坍山界壩等處潮退之時水深不過二尺上
下重運項淺勢必稽阻惟有蓄潮接潮方可濟運丹

陽縣境內長樂鋪七里橋青陽鋪聖堂庵基莊凌口等處亦深不過二尺上下重運經臨勢必淺阻其七里河上通金壇運道近因俾莊淤淺

河水旁洩正河塞支河方可濟運

宋史河渠志云浙西運河南自臨安府北郭務起北至鎮江江口閘止共六百四十一里淳熙七年帝因輔臣奏金使往來事曰運河有淺狹處可令守臣以漸開浚庶不擾民至十一年冬臣僚言運河之浚自北關至秀州杉青各有閘堰自可蓄水惟沿河上塘有小堰數處積久低陷無以防遏水勢當以時加修治無沿河下岸涇港挑多其水入長水塘海鹽塘華亭塘由六里堰下私港散漫悉入江湖以私港深運河淺也若修固運河下岸一帶涇港自無走泄又自秀州杉青至平江府盤門在太湖之際與湖水相連而平江閘門至常州有楓掄許墅烏角溪新安溪將軍堰亦各通太湖如遇西風湖水由港而入皆不必

浚惟無錫五瀉閘損壞累年常是開堰徹底放舟更
江陰軍河港勢低水易走泄若從舊修築不獨潏水
可以通舟而無錫晉陵間所有陽湖亦當積水而四
傍田畝皆無旱暵之患獨自常州至丹陽縣地勢高
仰雖有奔牛呂城二閘別無湖港潏水自丹陽至鎮
江地形尤高雖有練湖緣湖水日淺不能濟遠雨晴
未幾便覺乾涸運河淺狹莫此爲甚所當先浚上以
爲然至嘉定間臣僚又言國家駐蹕錢塘網運糧餉
仰給諸道所繫不輕水運之程自大江而下至鎮江
則入閘經行運河如履平地川廣巨艦直抵都城蓋
甚便也比年以來鎮江閘口河道淤塞不復通舟乞
令漕臣同淮東總領及本府守臣公共措置開濬
林應訓江南漕渠志云漕渠即運河一名邳溝隋煬
帝大業中所穿也起杭州候潮門北行經武林從雙
橋入崇德縣境經縣治折北而東過嘉興府城濠又
折而迤北會頓塘鶯脰湖諸水東出平望鎮湖州府

運船由之運河又北經九里石塘遠吳江縣而北松江運道由白蜆江西來出呼鯉涇與運河合入長洲縣界又北經蘇州府城東與至和塘運河遠北城濠而西相合崑山嘉定太倉三處漕運由之蘇城之北爲元和塘常熟運船由之俱會於永安橋以出楓橋運河由許墅關北行入無錫界經縣治而北抵五瀉河口與江陰運道相會又西北經常州府城而西爲西蠡河與宜興溧陽之運船相會截白鶴溪折北而爲孟瀆河口運舟間時遇夾岡淺阻或北舟南還京口閉禁由此河出江而渡接揚州白塔河此江南之間道也運河越孟瀆口而西行爲奔牛閘又十里而爲呂城閘呂城之西爲珥瀆河金壇縣運船由此出會於運河又西北入丹陽縣境貫城而西北抵夾岡入丹徒縣境舊爲夾岡隔絕江流不通舟楫賜帝鑿夾岡通之今兩崖壁立故善崩潰經鎮江北出京口閘總爲里七百二十有奇江南運舟由此渡江入瓜洲

開抵淮而上京師東南要津也顧其渠本人力開通
又城閘關市互夾民居易於堙礫隆慶中議者欲將
歲運冬間避黃淮之險而北舟南兌且乘秋漲之便
疏為兩利不知歲當沍寒川瀆方枯所在虞淺舳艫
不銜轉掠行舟且役居民沿洄助挽蓋水陸兩困矣
萬歷六年予疏請大挑創復閘壩俾水有蓄淺漕乃
通利天閘志云運河總折直七府漕糧軍民二運舳
艫萬艘首尾相接必出閘外方可起挽停泊江中等
風北渡卒遇怒濤漕舟破壞歲歲有之公私受害者
久矣予於萬歷六年閱視夾閘河工始知由於丹徒
鎮江石橋阻阨故運船不能起挽出江所致也乃於
丹陽以北凡有石橋俱易木頂改為天閘可便抽拽
運船一過丹陽距江百里即豎大挽有風便渡直抵
京城設或無風俱得停泊於運河內地等俟順風始
免險阻之患雖北船南還免運進
開之後次第卸挽頗稱便利焉

以上係浙江杭嘉湖江南蘇松常鎮七府之漕運過江至揚州府瓜洲鎮

衡州府在湖南長沙府西領州一縣九曰衡陽附郭曰

衡山曰耒陽曰常寧曰安仁運糧共二萬二千四百

五十七石零有永折米在內各府皆同本典大清會

萬三千三百三十石零其餘州縣俱無糧也衡陽縣南湘江自

永州瀟湘入境引而東北有蒸水會焉謂之蒸湘常

寧縣在湘江之南有四江在縣治東者為東江在縣

西三十五里為藍江在縣西門外為西江在縣南五
十一里為伊陂江耒陽縣亦在湘江之南有耒江在
縣治東南城下衡山縣在湘江之西南岳在焉

湖廣通志

云衡山在衡山縣西三十里岷山之脈盡於洞庭之
西其山周環八百里為五岳之一南方之莽也上應
璣衡故云衡山羅列七十二峰湘水在府城東源出
廣西陽朔東北流過零陵達於衡陽蒸水入焉會流
入於石鼓下湖濱之間湘水貫之凡水皆會為與湘
水合則曰瀟湘與蒸水合則曰蒸湘與沅水合則曰
沅湘故謂之三湘蒸水在府城西源出邵
陽耶薑山東北流注於湘水氣如蒸故名

長沙府為湖南省會領州一曰茶陵縣十曰長沙曰

善化

並附郭

曰湘潭曰湘陰曰寧鄉曰瀏陽曰醴陵曰

益陽曰湘鄉曰攸縣運糧共六萬四千三百二十石

本大清會典

通志

府城在湘江之東湘鄉湘潭

十一萬四百八石零

二縣在江之西南湘鄉縣西南有連水源發邵陽龍

山東過石潭入湘江湘潭縣在湘江西江自衡山縣

北流過縣東至府城西入湘陰縣境寧鄉縣有玉潭

江三水合流環縣而東至新康口匯入湘江益陽縣

有濱江在縣西南過沅江入洞庭茶陵州在府東南

有沱江水經注沱水出茶陵上鄉西北過攸縣南又
西北入湘江攸縣東十五里有攸水合沱水出雷家
埠入湘江醴陵縣在府東有涿江源出安陵山西北
流至漣浦入湘江瀏陽縣在醴陵之北有渭水源出
大圍山經縣前入湘江湘陰縣在湘江東北縣北七
十里有汨羅江其源曰汨水經古羅城因曰羅水至

屈原合流入湘江

大清一統志稿云湘江水自廣西全州東北流入界經永州府東

安縣南至府城西南引而北會瀟水又經衡州府城南引而東北會蒸水又北流過湘潭縣西至長沙府

城西環城而下過湘陰縣西又
北而達青草湖注於洞庭湖

岳州府在長沙之北領州一曰澧州縣六曰巴陵附郭

曰臨湘曰華容曰平江運糧共二萬三千七百七十

石零

本大清會典通志三萬六千六百八十一石零

其餘二縣俱無糧也

大江在府城西北西南臨洞庭湖南則為青草湖也

北有城陵磯水次倉在焉蓋岷江為西江澧江為中

江湘江為南江會於城陵磯下名三江口東流至於

武昌平江縣在府東有盧汨羅三水合入洞庭臨湘

縣在江之東有蕁湖在縣東門外會黃蓋湖出江黃
蓋湖周迴九十九汊自清江口出江白泥湖在縣南
十里會黃蓋湖出江華容縣南臨大江三面皆水有
夏水水經夏水華容縣南一名華容河晉杜預開陽
口起夏水達巴陵內瀉長江之險外通桂林之漕首
出於江尾入於沔有涌水水經江水又東南當華容
縣南涌水出焉注云水自夏口南通於江湖廣通志云君山在
府城西南洞庭中堯女湘君居此偃虹隄在府城西
正臨洞城之濱永濟隄在城陵磯並屢修屢圯道人

磯在臨湘縣大江中有赤石高盈丈餘能照兩岸名曰鏡石

大清一統志稿云洞庭湖在岳州府城

西南一里湖之南為青草湖北去巴陵縣七十九里南去長沙府湘陰縣百里周迴二百六十五里自冬至春青草彌望水溢則混合洞庭之西為赤沙湖東去巴陵縣一百里西北去常德府龍陽縣三十里周迴一百七十里夏秋水泛亦與洞庭為一洞庭南連青草西吞赤沙橫亘七八百里周迴三百六十里亦名三湖亦名巴丘湖

自衡州府九十里至七里驛七十里至流霞驛六十里至衡山縣皇華驛六十里至都石驛七十里至泗水驛七十里至淶口六十里至象石驛八十里至湘

潭驛九十里至長沙府臨湘驛六十里至彤關驛六十里至湘陰縣之筌竹驛七十里至榮田驛過洞庭湖傍六十里至磊石驛三十里至中廟三十里至鹿角驛三十里至扁山三十里至岳州府岳陽驛十里至城陵磯二十里至湘湖港十里至道人磯二十里至臨湘縣二十里至白羅山驛四十里至新隄二十里至茅埠巡司四十里至石頭口驛二十里至六溪口二十里至幾家洲二十里至嘉魚縣魚山驛二十

五里至小臨灣十五里至蒿洲十里至上簾洲巡司
二十里至下簾洲驛十里至新灘口二十里至牛角
尖三十里至東江腦二十里至白人磯十里至金口
驛五里至大均山二十五里至串口二十里至楠木
廟鮎魚口巡司十里至武昌府

德安府在武昌北領州一曰隨州縣五曰安陸

附郭

曰

雲夢曰應城曰孝感曰應山運糧共六千三百一石

零

本大清會典通志

一萬六百五十二石零
府城西一里有涓河遶而

東流至黃港與漳水合入雲夢澤至安河會襄沔入
東流至漢口入江隨州州前涓河南流入漢江雲夢
縣南里許涓水之支也會孝感之水達於漢應城縣
西有西湖會漢江孝感縣前有涓水俗名西河下入
漢江應山縣有東河白泉黃沙汶水漢東大洪諸河
俱通流漢江 府境涓水出隨州大洪山黑龍池自
西而南至應城縣雲夢縣涓水自西北而東南至孝
感縣折而西至雲夢縣俱可通漕

湖廣通志云府治
西北有涓水水出

應山西南有漳水出大洪山俱會入潁隨州有浪水有潏水潏河亦入潁雲夢澤在雲夢縣舊志云去安陸南五十里今縣治去安陸六十里蓋安陸境山自酈既曼延至此乃盡而迤南數郡大澤衍溢實自此始昔故以此名縣 雜辨云雲夢縣南皆大澤雲夢澤自此始故名之禹貢雲土夢作又本二澤然二澤合稱其來已久傳記所指合折不同周禮職方數曰雲夢司馬相如傳楚有七澤其小者名雲夢方八九百里南有平原廣澤緣以大江而班生志地云華容支江若江夏之安陸皆有雲夢裴駰云孫叔敖澍沮水作此澤張揖云楚藪也在南郡華容縣郭璞云江夏安陸有雲夢支江亦有之華容又有巴丘湖俗云即古雲夢澤張揖云在華容者指此春秋文耀鉤云大別以東至富春九江衡山皆雲夢地唐安審暉敗唐兵於雲夢澤中史炤曰雲夢澤名祝穆曰邛夫人棄子文於夢中言夢不言雲楚子避吳入於雲中言

雲不言夢二事皆在安陸一以為雲一以為夢凡此皆合稱也惟胡三省辨誤禹貢雲夢孔安國云在江南左傳楚王以鄭伯田江南之夢漢志雲夢澤在華容南沈丘云雲即今玉沙監利景陵等縣夢即今公安石首建寧等縣漢陽志云雲在江之北夢在江之南此則折而稱之按杜預云雲夢跨江南北而蔡沉書傳云雲夢方八九百里跨江南北華容支江江夏安陸皆其地合而言之則一別言之則二澤也禹貢云雲土夢作人蓋澤勢有高卑故水陸則遲速人工有早晚爾此說得之潞河在孝感縣北五十里出河南信陽州逕應山雞頭山至天磨河入境縣北二百五十里經新店會清風澗水為雙河口為太公潭縣北一百六十里為小河溪縣北一百二十里至兩河口為晏家河縣北九十里為潞河鎮縣北五十里一支會白沙河合於西河而東入於漢一支會白龍潭水又會八埠口水入於漢一支會馬溪河涇川陡山

蒲湖水至黃陂
沙口入於江

安陸府在武昌西領州二曰沔陽曰荊門縣五曰鍾

祥附郭曰潛山曰景陵曰當陽運糧共一萬八千六百

石零

本大清會典

通志二

鍾祥與京山並無糧

也漢水在府城北自襄陽府宜城縣來入境潛江縣

有潛水漢水別流自鍾祥入境經蘆汴河三分流俱

入沔陽界沔陽州漢水與江水夏水漕河通諸湖入

漢然沔陽之水界於江漢之間江溢則沒東南漢溢

則沒西北江漢并溢茫然大壑矣景陵縣有城南河
經縣城南入漢下流為義水荆門州漢水亦與諸湖
通常陽縣有沱水經縣境與沮水漳水復合入江安
陸府漢江之上流為鄖陽襄陽二府故曰襄江亦曰
襄河而漢陽府則其下流也

湖廣通志云漢江自北來經石城與北龍母等

湖通下至漢川入大江沿江多病昏墊

自安陸府十里至板橋灘十里至塘港十里至溜連
口十里至石牌二十里至馬梁十里至茶園十里至

舊口驛十里至茅草林十里至小河口十里至沙陽
十里至新城巡司二十里至多寶灣二十里至車羅
院二十里至蚌河望三十里至史港末十里至夜叉
口十里至澤口二十里至塔兒灣二十里至黑牛渡
十里至魚泛洪二十里至獅子河五里至岳家口四
十里至彭石河五十五里至唐灣十五里至尖刀嘴
六十里至麥芒嘴十五里至陳柏亭六十里至關王
廟五十里至漢川縣五十里至雲口五十里至蔡店

巡司六十里出襄河至漢口入江

漢陽府在武昌西領縣二曰漢陽

附郭

運糧三千八百

四十三石

本

大清會典

通志

漢川縣無糧也府

城東南臨大江江水環抱東南漢江合澠水沔水沱水與大江會於府北漢水自陝西漢中府白河縣入

湖廣鄖陽府鄖西縣境歷均州穀城光化二縣繞襄陽府城北又東南經宜城縣至安陸府北過潛山縣又東至漢陽府出漢口入江蓋漢陽與武昌東西相

對止隔七里江面所謂七里江分兩郡城也

湖廣通志云大

江在府治東南城外上接蜀川瀟湘洞庭諸水合流東南入府界一百五十里轉煙波灣四十里入黃州界東流漢水在府治北五十里禹貢嶓冢導漾東流為漢是也灞水在府治北四十里其水自黃陂入漢陽界與滄索二水合流南入大江拍水在府治北六十里汚水在府治西南四十里源出襄水南入大江與漢水合流沱水在府治西南四十里源出襄水經流自漢水分繞漢陽縣南入大江合流

荊州府在武昌最西領州二縣十一曰江陵

附郭

曰公

安曰石首曰監利曰松滋運糧共二萬二千二十一

石零

本

大清會典

通志二

其餘州縣俱無糧也

府城南七里即大江而江陵縣境之吳河柘林倚北
南等湖皆江水之或流或滙者也府治北四里有漕
河晉元帝時鑿自羅堰口入大漕河由里社穴達沔
水通襄漢江公安縣有石浦河以通漕運大江隄在
縣東北上接江陵下抵石首長一百里石首縣有長
河即大江又有便河達於洞庭監利縣有夏水禹貢
傳注云華容有夏水首出於江尾入於沔一謂之沱
監利本漢華容地有魯洑江南通荆江北入沔漢有

新衝河通江陵漕河松滋縣有川江岷江至此分為

三派復合達於江陵入大江

湖廣通志云府城東南二十里有黃灘上當江

流二百餘里之衝一決則江陵潛江監利民為魚鼈誠要害也東十五里有鎮流砥突出大江數十丈捍激江聲如迅雷蓋江勢東下鎮砥於此則水勢延緩而黃灘之衝少殺沙市之地可保按杜預傳預都督荊州舊水道唯沔漢達江陵千數百里無通路預乃開揚口起夏水達巴陵

武昌府為湖北省會領州一曰興國縣九曰江夏

附郭

曰武昌曰嘉魚曰蒲圻曰咸寧曰崇陽曰通城曰大

冶曰通山運糧共三萬二千二百三十二石零

本大清

會典 通志四萬六千五百二十三石零 府城西北皆大江西南有金沙

洲陳公套水次倉在焉武昌縣在大江之南江隄屢築屢圯嘉魚縣去江口僅七里蒲圻縣有蒲圻河至陸溪口出江咸寧縣有西河通江崇陽縣有崇陽河出通城至壺頭山下有洪石灘甚險通城縣有陸水自巴陵入江即陸口又有秀水源自通山與陸水雋水合而通江大冶縣有縣前河西源於西陽茅潭諸里遶洪濱橋合流而東至縣前為金湖直放萍源口

入江興國州境多水皆匯於長河而洩於富池若海

口湖漳源湖則直放於都江而水勢稍殺矣通山縣

多山而少水

湖廣通志云江自嘉魚入江夏境會沔水流然大江逼繞會城舊時金沙洲障

之後洲徙水泛橫流直衝江岸侵齧城址岸石傾圮屢行淤治而城患未已嘉魚縣歷陳家汊入江夏界

沙漲橫亘數十里故縣治去江口僅七里東北有通江隄自龍潭山至魚山驛高丈許廣三之翼之以柳

北有新隄地勢卑下其承上流若建瓴春水泛漲與蒲圻咸寧江夏三邑均罹水患宋政和間築隄至乾

道初又去舊隄三百步因兩山距揚家潭上橫亘為隄是名新隄又有成公隄宋令成宣自馬鞍山下至

二角鋪築之捍護四邑

黃州府在武昌東北領州一曰蘄州縣八曰黃岡

附郭

曰蘄水曰羅田曰黃陂曰廣濟曰黃梅運糧共四萬

九千九百四十二石零

本

大清會典

通志五

而

萬五千二百六十六石零

麻城黃安並無糧也府城在江之東有七河俱與江

通蘄州西至大江五十里水次倉在焉蘄水縣有浠

水至南溪口入大江羅田縣前有官渡河山水發可

通筏運黃陂縣有縣前河上接灊河下通漢水有石

港河發源嶺山入大江廣濟縣有二河一曰梅州在

縣南流入武山湖一曰連城可通運艘黃梅縣當江
漢九江之下流故歲苦漲溢蓋黃梅最窪而彭蠡水
又來突之故其害視廣濟尤烈 大江自四川夔州

府巫山縣界入湖廣荊州府巴東縣境歷彝陵州宜
都枝江松滋石首監利諸縣出荆河口至洞庭湖轉

東由岳州府臨湘縣至武昌府北至黃州府蘄州至

江西九江府出境

湖廣通志云大江在府治西自武昌流入黃陂界至赤壁磯東過蘄

州入九江北有零殘安仁鮑湖王九塘黃漢舊州長
河諸湖南有灑湖東有沙湖西北有樟松湖有草埠

潭河南流至黃陂縣三十六灣通流入沙口沙口河與黃陂縣界邊武湖發源孝感感遠大江界河自白沙灣發源至團風口入江蘄水縣南門河源出英山環繞縣前合衆流入大江羅田縣白蓮河源出英山至南溪入大江黃陂縣有草埠潭河舊鎮界河潁河蘄州有西河蘄河黃城河宗渡河廣濟縣有連城河黃梅縣有縣前河獨山河

自荊州府二十里至黃潭二十里至蛟蟲腦二十里至公安縣孱陵驛六十里至柳子驛六十里至石首縣之石首驛四十里至調絃驛五十里至踏市驛三十里至監利縣三十里至車水灣三十里至瓦子灣

三十里至唐家洲六十里至城陵磯

自此至武昌府見前

四百

五十里至武昌府對江漢口二十五里至馬公洲五

至青山巡司對江五通口十五里至沙口十里至八里

溪甫對江五里至陽邏驛十里至抽分廠二十里至

白湖鎮巡司對江雙流峽三十里至矮柳鋪三十里

至團風驛二十里至三江口三十里至黃州府臨臯

驛十里至武昌縣三十里至巴河三十里至蘭溪驛

二十里至回風磯十里至黃石港十里至散花料二

十里至道士泐驛二十里至毛山港巡司二十里至
漁陽口二十里至挂口十里至蘄州蘄陽驛二十里
至殺人港十里至馬口十里至田家鎮十里至櫓息
窩十里至富池驛對江蟠塘二十五里至鄔家穴五
里至蕭家馬頭三十里至龍平驛五里至袁馱口五
里至新開口巡司三十里至猪婆料二十里至官牌
峽五里至江西九江府浔陽驛

以上俱七省漕程

行水金鑑卷一百五十四

欽定四庫全書

行水金鑑卷一百五十五

江南按察使傅澤洪撰

運河水

吉安府在江西省城西領縣九曰廬陵

附郭

曰泰和曰

吉水曰永豐曰安福曰龍泉曰萬安曰永新運糧共

九萬八千一百四十七石零

本大清會典通志十五萬八千三百五十

石而永寧一縣無糧也府城南有贛江歷十八灘到

萬安縣東流六十里逾泰和縣達於府東禾水自泰和西界合永新江又合安福江至府西神岡山入贛江龍泉縣有遂水源有左右二溪左溪出自南安上猶之大林至南江口始與右溪水合右溪出自衝之茶陵沔陽經雙溪坑至西溪口由渡口而東歷八十灘乃入贛江泰和縣南有雲亭江源發興國縣界西北流至珠林入贛江東有仙槎江源發興國縣界小蜜嶺西北流其間有大蓬江水仁善江水皆經此

入贛江又有牛乳江發源龍泉拔鐵山其間有清江
蜀水禾溪橫江諸水皆經此入贛江永新縣有秀水
西南入縣分兩支遶縣舊學轉北入江若秀字安福
縣有盧水發源廬山距縣一百八十里合二小江東
流繞縣北與王江合又東會永新縣水出神岡山下
入贛江萬安縣南有早口江源出贛縣三龍經上造
下造流入贛江又南有梁口江源出西平江黃塘南
流入贛江北有城江源出蕉源經南州觀合盧溪經

兩江口流入贛江西北有韶江源自西韶會黃鵠水
東入贛江又有射州江源出龍泉經泰和牛吼江入
贛江永豐縣東南有恩江源出撫州樂安贛州寧都
興國三縣界其間合麻江諸小水流出吉水入贛江
吉水縣南有永豐水源自撫州樂安贛州寧都興國
三縣界有麻江黃竹渡搖步永寧龍門永豐白水陽
曲廬陵峽烏江諸水皆會入贛江又有吉水贛江下
流與永豐江合有洲亘江中水深曲折狀若吉字故

灘曰吉陽水曰吉水又南有明德水源出永豐縣界
西北流為義倉水又西北至瀟瀟下流白沙會於大
江西北有南溪水源自中鵠鄉東流二十里為羅陂
經柘溪又五里出柘口入於贛江又西北有同江源
出分宜安福廬陵之境其間有楓子江柿陂河諸水
皆經此入贛江由府治至省城五百九十里

江西通志云贛

江在府城南原本章貢二水北流至贛縣始合故謂之贛三百里至萬安縣其間有八灘水性湍險惟黃公灘為甚東坡南遷訛為惶恐舟過此其險始平趙抃守虔州時未置萬安縣地尚隸虔嘗疏鑿惶恐以

上八灘按陳史贛水舊有二十四灘多巨石陳高祖發虔州水暴漲高數丈三百里間巨石皆沒今止有十八灘云折而東六十里逾泰和東北流八十里經邑界以達郡城又東北四十五里經墨潭而下吉水過臨江至南昌而匯於彭蠡

臨江府在省城西領縣四曰清江郭曰新淦曰峽江

曰新喻運糧共四萬九千二百七十三石本會典大清

志八萬七千二百八十九石零府境有贛江由吉安府北至府南入

清江清江在府南五里袁贛合流太平江在府西三十五里出蒙山之陽經華陽江會袁江入贛峽江縣

北二十里有漚水合新喻界頭水東流入清江南有
踏石水自吉水界巷里經員嶺黃金江入峽西有亭
頭水南有黃金水俱入峽新淦縣南一里有湄湘水
發源高嶺經會政橋入贛又十里有泥江水源出樂
安縣西北流入於清江北有金水西有藍陂水逆溪
水俱入江新喻縣有喻水一名秀水源出萍鄉之盧
溪經縣境達於贛江縣南二里有睦官水源出鼎山
北流入喻水東北有距河水出袁州分宜之洞村有

兩源一涂塘一龍塘合距村南三十里經過濟橋合
渝水又有板陂水自分宜之崇法院東流過界首入
縣江寰宇記所謂五浪者即江口之合流處也由府

治至省城二百二十里

江西通志云清江在府南五里袁贛合流宋羅知古詩層

層碧嶂來無盡滾滾清江遠莫追於是清江碧嶂之名蕭水在府城西又名小陽水源出栖梧山及烏塘合流而為蕭水中有灘曰蕭灘下流至南昌府境入江沉香溪在府城北即閤山水也閤山左界水會淦水至鎮入江右界水出沉香溪南流又東折至豐城界小江口入江

瑞州府在省城西北領縣三曰高安

附郭

曰新昌曰上

高運糧共七萬二千九百十石

本大清會典通志六萬八千四百十

九石

府城有錦江貫南北二城之中合上高之凌江

新昌之滕江歷府城而東注南昌府境新昌縣滕江

自西而南抗橋之水入焉上高縣凌江發源萬載縣

之八疊山於龍河渡東流分脈經縣城與滕江合流

入於章由府治至省城一百二十里

江西通志云錦江一名錦水一

名蜀江自袁州府之萬載縣發源至上高合新昌水入江經府城東入於贛鍾口江在府城南源發荷山

入錦江曲水在府南發源蒙山流出潦澍口東入贛龍口水在府西南源發蛟湖北流至花園渡入錦江

華陽水在府西南有小溪自新喻縣界流至華陽北入錦江隱泉水在府南均山之東北泉沸湧出於平田自三十六陂流出曲水橋入清江界合於潁水

自吉安府十里至羅紫山十里至大洲頭三十里至三曲灘十五里至元壇觀五里至富口十里至童江灣十里至長牌十里至新淦縣金川驛二十五里至河埠十里至石口十五里至太陽洲十里至永泰十五里至臨江府瀟灘驛十五里至臨江河口十五里至樟樹鎮十里至老虎口十里至揚子洲十五里至

黃土腦十五里至豐城縣劔江驛十里至曲江十五

里至小港口十里至大港口三十里至張吳渡二十

里至市汊驛左往瑞州十里至象牙潭二十里至河

泊所二十里至生米潭二十里至江西省城

通志自象牙潭

至省城
八十里

建昌府在省城南少東領縣五曰南城

附郭

曰新城曰

南豐曰瀘溪運糧共二萬一千一百四十七石零

本

大清會典
通志四
萬七百四十三石零

而南城廣昌二縣並無糧也府

境有盱水自廣昌南豐經府城南會新城飛鳶水流
入撫州新城縣有黎灘水源自福山之赤茆澗及巖
嶺下流四十里至孔家渡即今南津雙港合流至縣
又西北經硝石至府城下一百四十里會盱水入彭
蠡南豐縣東至許有蔓翠湖湖口會盱水瀘溪縣在

府之東北盱江在其西

江西通志云盱水源自血木嶺流六十里為盱水又二十

里為巴溪又十五里為小鰣溪又七十里至廣昌縣
前又三十里入南豐縣境東北流百里府城東南會
新城縣飛鳶水又東北流二百餘里入撫州府境飛
鳶水在新城縣東七十里一名悲猿港東北流至郡

城與盱
水合

撫州府在省城南少東領縣六曰臨川

附郭

曰崇仁曰

金谿運糧共三萬五千十石

本大清會典通志
八萬三千六百八十石零

餘三縣俱無糧也府境有汝水自金谿西流府城東

抱城而北下流南昌臨水自崇仁流至西津與汝水

合曹水源出崇仁界雙坑至合處四十里又東北流

入臨川界受禪和仙蓋諸原之水過上頓渡數里入

於臨川諸水合流由金玉臺出烏鵝石折而北過虎

頭洲至高洲港受黨溪樟源以西諸山以南之水至

金谿城受金谿東鄉西注之水而西北略豫章入彭

澤此郡流之大經也

江西通志云汝水源自廣昌伏村血木嶺北流二百八十里受

南豐之水又百二十里至建昌府治受新城亦帶飛
鳶之水為盱台流二百里至梁安峽入臨川之境為
汝至石門受金谿清江諸水過夢港臨水源自崇仁
縣流至西津與汝水合羅山水其源二一出暗坑東
流五十里至羅陂入寶塘一出東塔龍潭至合臨水
處八十里東至鷺渡入臨川之境受沿流諸溪之水
又東至龔家渡合宜黃水下數里至西津合於汝水
西寧水在崇仁縣西五里源出華蓋山下流曲折五
百餘里至西津與汝水合福水在金谿縣南一十里
源出於閩經南城梅峰至鼓樓岡下會石門港水苦

竹水在金谿縣北四十五里乃汝水之上流也金谿水在金谿縣上幕嶺東水色如金縣因以名

自建昌府北至撫州府臨川縣九十里臨川縣至省

城二百里

廣信府在省城東南領縣七曰上饒

附郭

曰玉山曰弋

陽曰貴溪曰永豐曰興安運糧共三萬六百十石本

大清會典通志四萬九千八百十一石零

鉛山一縣無糧也府城北有

上饒江上流會諸溪水經弋陽貴溪流入饒州櫛溪

自府西流入江玉山縣在府東永豐縣在府東南並

通上饒江蓋玉山縣為上饒江之上流自上饒而興
安而弋陽而貴溪至饒州府之安仁界歷三百里又

六十里至鄱陽縣界入於湖

江西通志云破水石在府城西源出福建建陽

縣界北流六十里入上饒江靈山水在府東源出靈
山南流百里入上饒江弋陽江在弋陽縣東二十里
又名弋溪源
出上饒河

南昌府為江西省會領縣七曰南昌曰新建

並附郭

曰

豐城曰進賢曰奉新曰靖安曰武寧運糧共十四萬

二百七十三石

本
大清會典
通志二
十三萬五千二百一石零

而寧州無

糧也府城西南章江自南來歷滕王閣北抱龍沙
注鄱陽湖章江門外有鳳皇洲橫阜經夕佳樓抵石
頭口如鳳翼然水次倉在焉府城北八十里有慨江
口源發寧州經建昌又東流至此與章江合俗訛為
漢口東五十里有南湖源出進賢縣羅溪嶺東北流
合三陽水出鄱陽湖西南有蜀水即筠河也亦名錦
江源出高安縣東流合象牙潭水入章江劔水源出
章貢經清江繞豐城縣折而西北為劔水一名劔

江又東流入鄱陽湖豐城縣有富水源出羅山東流

會豐水槎水入劔江豐水源自杯山西北流繞劔池

會富水小港口入章江進賢縣東南有院澤水源出

擱山會臧溪灣旋九曲入於湖

明會典萬歷十一年江西饒州等五所淺

船改并進賢縣水次

奉新縣西二十里有龍溪水源出越王山

南合馮水至靖安縣同入於湖武寧縣在寧州下流

有修水源出黃龍山納衆流東北行六七百里入於

湖

江西通志云章江在府城西南源出南安之聶都山東北至大庾經南康會豫水是為豫章水至贛

州會貢水是為贛水章水發源最遠控引衆流至此故江獨以章名統計上游自南贛吉袁臨瑞撫建而下為八郡水之所會府城東隅有東湖舊通大江漢太守張躬築隄以通南路謂之南塘鄰道元稱東太湖十里二百二十六步北與城齊南緣迴折至南塘水通大江者是也曲江在豐城縣磯頭山之濱形如半月中分三潭岸旁居民綠繞榆柳成行水波之豔如盪金碧漁舟上下宛然畫圖

自省城南浦驛十里至石頭口二十里至八字腦二十里至樵舍驛三十里至牛欄三望三十里至昌邑六十里至吳城驛右往寧州三十里至珠磯十里至鶯子口十里至左蠡東往饒州撫州十里至南康府

匡廬驛

饒州府在省城東北領縣七曰鄱陽

附郭

曰樂平曰浮

梁曰德興曰萬年運糧共六萬七千九百六十石零

本

大清會典

通志十二

萬四千七百二十八石零而餘干安仁二縣並無

糧也府城南鄱江一名長港其源有二一出洎山合

婺源經德興樂平而來一出祁門婺源經浮梁而來

會於城東環城而西折北十餘里分為二支名雙港

水入鄱陽湖浮梁縣南有昌江源出縣東八十里西

流會諸溪水下入鄱江樂平縣南有樂安江源出發源之芙蓉嶺逶婆源縣治而下與德興衆水合入樂平之樂安鄉故名樂安江東北之洪源諸水西南之洎川諸水相次入焉德興縣東南有洎水出洎山西流百餘里至縣治二十里至小港口入樂安江趨鄱陽湖萬年縣在安仁縣錦江之北樂平縣樂安江之南俱至鄱江入鄱陽湖 鄱陽湖在府城西四十里一名宮亭一名楊瀾闊四十里長三百里禹貢東匯

澤為彭蠡即此水連南康饒州九江三府號為巨浸

大孤山砥柱下流最稱雄勝

江西通志云府城東有東湖人名督軍湖泰鄱

令吳芮習水戰處納風雨薦福諸水由德新橋出鄱江康郎湖在餘干縣西七十里即鄱陽湖之南涯錦

江在安仁縣前每天朗氣清水雲蕩漾如錦源自廣信經安仁會白塔河流經餘干入鄱陽湖

自府之芝山驛十里至竹雞林二十里至八字腦十

里至洪家閱十里至團砧二十里至棠陰巡司十里

至打石灣十里至周溪五里至釣臺十五里至柴棚

巡司二十里至饒河口六十里至都昌縣六十里至

南康府匡廬驛

南康府在省城北領縣四曰星子

附郭

曰都昌曰建昌

曰安義運糧共二萬一千六百七十六石

本會典

大清通

志四萬一千五百三十四石零

星子縣無糧也府東南臨鄱陽湖西

南五十里有龍溪發源黃龍自髻山而下直至湖濱

建昌縣南百步有修水源自寧州邑人稱為西河安

義縣南里許有龍江源自靖安經縣境入於義興合

奉新河水下出吳城鎮東南四十里有北洲水源出

北洲山與奉新江水合流注於修江都昌縣東南濱湖
南康與饒州對岸並臨鄱陽湖湖中有鞋山上
有浮圖從鞋山北至九江府則為大江又東北經湖
口縣北又東北經彭澤縣北其對岸則為江南安慶

府之宿松望江二縣

江西通志云府城南臨大江當舟楫往來之衝風作艤泊無所

宋元祐中郡守吳審禮始柵木為障崇寧中孫喬年以石為隄內浚二隄可容千艘歲久浸圯紹熙間朱熹為守通歲歉捐金募飢民築之又南一里為彭蠡湖即鄱陽湖也巨浸淤漫中有雁泊小洲西接南昌東抵饒州北流入於江東鄱陽在都昌縣東南彭蠡湖上跨南昌饒徽信諸郡之水匯彭蠡而入湖春夏

浩蕩無涯謂之東鄱
陽湖冬則水縮一帶

自府之匡廬驛五里至神靈湖五里至謝司港二十里至青山頭十里至長嶺十里至大姑堂五里至女兒港五里至鞋山二十里至文昌汛十里至九江府湖口縣彭蠡驛八十里至彭澤縣龍城驛

九江府在省城之北領縣五曰德化

附郭

曰瑞昌曰德

安曰湖口曰彭澤俱無糧也府城北臨大江在九江謂之潯陽江也湖口彭澤二縣為運道必經之地府

之潯陽驛對江小池口三十里出孔家壟至段腰十里至老鴉磯巡司十里至它鵞洲十里至湖口縣彭蠡驛十里至拓磯二十里至鱖魚背二十里至胭脂港十里至彭澤縣龍城驛其對岸則江南安慶府之宿松縣望江縣十里至小孤山六十里至馬當山二十里至磨礮洲十里至香口對江花楊鎮二十里至雷港驛二十里至江南池州府之東流縣

以上係湖南北江西三省一十九府九十八州縣之

漕運

按湖廣之永州江西之贛州二府明時亦有漕糧嘉靖中漕運總兵萬表疏云查總漕王宗沐

奏稱漕屬有糧司府惟湖廣江西為遠而二省所屬惟永州衡州長沙贛州四府為尤遠且經過洞庭之險贛石二十四灘之惡四處之到水次幾同淮安之抵京師而風波不與焉故往歲四府屬邑糧米催征既難水次人遠軍船四月畢兌過淮必係尾幫與黃水相極往往淤阻邳徐白河守凍此固積玩成風亦由地遠人疲勢必至耳而成陵磯裏港淺涸難入長灘上灘風帆不可逆張非壞即遲尤所當念臣查湖廣衡永長沙府屬共該糧九萬一千四百八十七石江西贛州府屬贛縣寧都二縣共糧一萬三千二百九十六石二省通共止該糧一十萬四千七百八十三石為數不多乞陛下每年坐准改折隨同本色解納於窮遠之民既蘇其困又免其患云云當時未知准行與否今永贛二府無糧而衡州長沙仍不免於

遠運未
知何故

安慶府在江南省城西領縣六曰懷寧

附郭

曰桐城曰

潛山曰太湖曰宿松曰望江運糧共六萬石

本大清會典

通志十萬六千一百五十一石零潛山太湖二縣並自北至府而入

江桐城自北而南入江宿松自西而南入江唯望江

在西南去江僅十五里大江在府南自同安驛十里

至桑園二十里至黃盆十里至祝家背驛二十里至

長楓峽八里至池州府貴池縣界之攔江磯

江南通志云小

孤山在宿松縣南一百二十里一峰屹立江之北岸
與南岸山對峙如門江流束其中湍激險迅謂之海
門第一關成化間水衡北岸平陸成淵遂獨立江中
揚載詩乾坤上下雄孤柱吳蜀東西壯北關長江環
府境之東西南三面東接無為州界西南合九江彭
蠡諸水攢揚河在桐城縣東南東流入於江後部河
在太湖縣西北納羊角銀河之水流經縣治入於江
馬路河在太湖縣西東流合渦水入江桐陂水在桐
城縣源出龍眼山穿縣市下溉營田三十里流出湖
紆迴入於江皖水在潛山縣北下流會渦水經府城
西入於江龍南運若湖在宿松縣南五十里東五里
為白荆湖洿池又十里為大伯潞湖又十里為張富
池下流入望江出雷港入於江漳湖在望江縣東北
六十里受武昌青草諸湖之水北經埭港至山口入
於江

池州府在省城西南領縣六曰貴池附郭曰青陽曰銅

陵曰建德曰東流運糧共二萬五千石

本典大清會通志五

萬二千二百八十六石零而石埭縣則無糧也運河建德縣自堯

城度出江青陽縣自大通鎮出江東流縣在府西南

銅陵縣在府東南府治西江中有攔江磯二里至李

陽河口十里至哪叱磯十里至樅陽口十里至烏沙

峽三十里至池口驛十里至清溪鎮五里至流波磯

二十里至麻布料五里至郭港對江黃家套十五里

至梅根對江老洲頭十五里至銅陵縣大通鎮十里

至楊山磯十里至六百丈對江窰頭十里至銅陵縣

十里至油榨港十里至丁家洲十里至錢家灣三十

里至太平府繁昌縣之荻港驛對岸則廬州府之無

為州也

江南通志云大江上接東流下抵銅陵池口河亦名杜塢河在府治西源出石埭之探山

為營公明溪至秀山有待月溪又至狼山有玉鏡潭過白面渡匯為秋浦又迤邐為杜塢過鎮山為池口

入大江白沙河去府城十里源出太樸山過東塘湖達青溪入於江梅根河在府城東四十五里源出九

華山會於五溪通河入於江五溪河在青陽縣西二十里源出九華山一曰漂溪二曰澗溪三曰雙溪四

曰曹溪五曰瀾溪合流入於江銅陵縣河在縣西七里其源一出長山一出餘北官莊一出東高村山會於橫海間流入於江大通河在銅陵南四十里其源一出九華山一出天門山一出梅街山會於車橋湖至大通鎮入江荻港河在銅陵北八十里發源朱村耆郎坑邵家澗會石洞南洪鳳皇鍾鳴各渠之水合流至北下社入江惠溪去銅陵縣十五里其源出銅官廟側流至樊港入江貢源溪在石埭縣西經上灣下灣出大河至於秋浦入江如蘭溪在建德縣南源出迎春朝霞二洞西流會堯城溪達於東流入江堯城溪在建德縣南三里許至東流縣入江

廬州府在省城西北領州二曰無為曰六安縣六曰

合肥

附郭

曰舒城曰廬江曰巢縣曰英山曰霍山運糧

共一萬石

本大清會典通志
五萬八百四十五石零

其六安州霍山英

山二縣則自淮河行運也府東南五州縣皆有運河

大江自無為州城抵江心泉磯山一百十五里水勢

聯絡凡境內之水皆納於此巢湖周四百餘里港汊

三百六十占合肥舒城廬江巢四縣之境皆一水相

通流注於江

江南通志云金斗河源出雞鳴山東流至府城自水西闕流入城中至東門外

歷金斗驛流入巢湖店埠河在府城東三十里水出

圓墮通巢湖三河在府城東南九十里其源有三合而為一入巢湖七里河在舒城縣西九十里實西山泉流之會通泉入江花林河在無為州東門外源出

大江上接三溪河下接一箭河運糧河在無為州東北四十里源出焦湖入江裕溪河在無為州東北一百二十里源自焦湖入江黃落河在無為州北四十里源自焦湖入江拓臯河在巢縣西北二十里出合肥浮槎山流入巢湖天河在巢縣南源出巢湖東流入江肥水在府城南七十五里源出紫蓬山東北經雞鳴山入金牛河一支西北流復東轉南下至東門外余公廟前二水相合故曰合肥濡須水在巢縣南一名天河水俗呼為馬尾溝源出巢湖東北至江漢白河在廬江縣東北三十里周迴七十餘里跨六鄉與巢湖相連流入於江南溪在舒城縣西南外發源自孤井流入巢湖挑溪在舒城縣北三十五里挑城鎮發源自六安界流入巢湖

寧國府在省城西南領縣六曰宣城附郭曰寧國曰南

陵曰涇縣曰旌德曰太平運糧共三萬石

本會典大清通

志六萬二千一百五十四石零

寧國縣在府東南旌德縣在府南涇

縣太平並在府西南南陵在府西北各縣運河皆環

遶縣治四通八達而府城之北有灣沚河有鎮有渡

今為鹽埠北出揚青口合黃池下流入江黃池在府

城北一百二十里一名玉溪郡東南水聚此出江南

岸屬寧國北岸屬太平

江南通志云南湖在府城東北四十里南曰南湖北曰北

潞總稱曰南湖周廣四十餘里受廣德建平諸水由綏溪來宣之東境之水並瀉入焉宛溪在府城東源

出嶧山之陽上下兩橋上曰鳳皇下曰濟川並跨溪
上句溪近府城三里溪流迴曲形如句字源出龍叢
天目諸山龍溪在府城北水陽鎮東南兩渡舊設浮
橋宋紹定創建今廢為渡有允倉有義倉東南水碧
橋與高淳接界慈溪在府城東北合高淳水至此由
牛兒港汊流而進東通五堰往東壩者由此東壩五
堰之一也青弋江在南陵縣東三十里發源黃山會
石埭太平旌德諸水至此河身漸廣故名江中港在
南陵縣源有二並出西南諸山由嘉樂關入城遶縣
治過籍山橋下合西港及漳淮水入小淮河漳水在
南陵縣源自縣南水龍洞出至澄清河與淮水合淮
水在南陵縣源自縣南呂山麓珠泉湧出至澄清河
與漳水合流微水在旌德縣北源出績溪徽嶺之陰
北流受清潭水至縣南印匣石與霞溪東溪合流麻
川在太平縣源出黃山之麓受旌
德諸水由麻陂至旌德涇縣入江

廣德州在省城南領縣一曰建平運改兌米八千石

本

大清會典

通志

一萬三千七百四十四石零

江南通志云桐川水在州西北源出白石山西北

流入丹陽湖南礪湖在縣西南廣德建平之水皆匯於此流入丹陽湖俗呼為南湖大源溪在寧國大陶

山流經州界入南礪湖又

由丹陽湖蕪湖達於江

太平府在省城西領縣三曰當塗

附郭

曰蕪湖曰繁昌

運糧共一萬七千石

本

大清會典

通志

二萬七千一百三十三石零

當塗西

去江十里蕪湖西去江七里繁昌西去江五十五里

繁昌蕪湖俱在府南繁昌運河出江對板子磯蕪湖

出江對蠓當塗縣北二十五里有新河即采石河牛
渚磯屹然控江流之衝大江自繁昌之荻港五里至
板子磯五里至泥汊通無為州二十里至舊縣十里
至蘆席峽二十里至教化渡十里至三山峽十里至
螃蜞磯十里至櫓港十里至蕪湖縣櫓港驛五里至
一磯十里至赤磯窑五里至四合山十里至裕溪口
通巢縣廬州府二十里至東西梁山對江和州境也
四十里至當塗縣采石鎮采石山在江中五里至望

夫磯十里至人頭磯五里至和尚港十里至烈山十

里至三山十里至江寧府之江寧鎮

江南通志云天門山在府城西

南三十里二山夾大江東博望西梁山對峙如門亦名峨眉山又名東梁山西梁山螺磯山在蕪湖縣西

南七里大江中螺老蛟也今磯有石穴廣一大深不可測蓋蛟所居黃池河在當塗縣南七十里分河心

以北屬當塗以南屬宣城唐溝河在當塗東南百里西通官溪入接新華門河長河在蕪湖縣南半里源

出廣德宣州過縣前西行注江丹陽河在當塗縣東南七十里湖水分三源徽州高淳寧國廣德諸溪所

匯通為三湖曰石臼固城丹陽而丹陽最大蓋總名也南北九十里西南七十五里實太平巨浸姑孰溪

在當塗縣南二里一名姑浦合丹陽東南餘水及諸港會過寶積山入江摺港在蕪湖縣南十五里源出

徽宣西注於江荻港在繁昌縣西南四十里
與赭圻城相屬西對無為州乃江流之險處

江寧府為江南省會領縣八曰上元曰江寧

並附郭

曰

句容曰溧陽曰江浦曰六合運糧共十二萬八千石

本

大清會典

通志十

六萬三千五百五十五石零

而溧水高淳二縣並無糧

也江寧自江寧鎮十里至三山十里至大勝關三十

里至上新河十里至中新河十里至龍江關二十里

至觀音山燕子磯在焉三十里至六合縣瓜埠巡司

而江浦六合糧艘則自江北開行也十里至礐山十

里至龍潭十五里至東溝十里至方山五里至青山而江南之句容縣糧舫來會溧陽縣則入自宜興之

閃溪行運也自青山十里至新河口即一戩港十里

至儀真縣

江南通志云大江繞城之西南經西北過鎮江東流入海中江在溧陽縣西北三十

五里又名永陽江下流入海宜興縣界秦淮在上元縣東南始皇斷方長壑為瀆故曰秦淮有二源一出句容華山一出溧水東廬山合源方山埭兩淮北流西入通濟水門南經武定鎮淮飲虹三橋入西出三山水門沿石城以達於江靖安河在靖安鎮下一名古漕河新河在江東門外稍直西五里通於江曰中新河稍南曰上新河以通市舶沙河在江浦縣東三十里宋范仲淹領漕時以大江風濤之險開此河引水

支流下至瓜埠入江後河在江浦縣西北三十五里
源出廬州舊梁縣至縣茅塘橋東出瓜埠入江滁河
在六合縣境上自滁和二州界三汊河口而下合為
一河流至縣由瓜埠入江治浦河在六合縣東二里
東北通天長東南入滁河合流大勝關港在江寧縣
西南內合板橋新林浦為一流入於江胭脂湖在溧
水縣西十里明初命崇山侯鑿石穿流以通運道西
北通於江南通兩浙丹陽湖在高淳縣南三十里中
流與當塗縣分界東連石臼湖固城湖其源有三一
出徽州府黟縣者為舒泉一出廣德州白石山者為
桐水一出溧水東廬山者為吳淞水三湖匯合其流
分二派一西出蕪湖一北出當塗姑熟溪俱入江石
臼湖在高淳縣西南三十里西連丹陽湖水注於江

以上係江南安慶池州廬州寧國太平江寧六府廣

德一州之漕運與湖廣江西兩省同入儀真運河

浙江杭嘉湖三府江南蕪松常鎮四府糧船渡江至

瓜洲鎮十五里至八里鋪五里至紅廟五里至揚子

橋十五里至揚州府廣陵驛

揚州府志云揚子江由金陵瓜步下小帆船逕

儀真境東下與鎮江分界東北趨江都出泰興界入江寧鄉為如臯縣境東過天生港至通州入海禹貢

江漢朝宗於海通州蓋朝宗處也

江廣兩省并江南安池廬寧太江六府糧船至儀真

江岸五里至東關十里至新城二十里至朴樹灣十

里至東石人頭五里至西石人頭入江都界五里至
凍青鋪十里至揚子橋十五里至揚州府廣陵驛

揚州府在江南省城北領州三曰高郵曰泰州曰通

州縣六曰江都附郭曰儀真曰泰興曰興化曰寶應曰

如臯運糧共六萬七千石本大清會典通志十萬六千三百五十一石零

運河即古邗溝自廣陵驛十五里至灣頭五里至高

廟十五里至東西灣十里至邵伯驛十里至三溝十

里至腰鋪十五里至露筋廟十里至南車洛五里至

北車洛十五里至高郵州孟城驛二十五里至清水

潭十里至張家溝五里至六漫閘二十里至界首驛

高寶交界十里至缸橋十里至汎水五里至南閘五里至

平溝十里至槐角樓巡司十五里至寶應縣安平驛

二十里至淮安府山陽縣之黃浦

揚州府志云周敬王三十四年秋吳

城卽溝通江淮時夫差欲霸中國乃築城廣陵穿溝東北通射陽湖西北至末口謂之邦溝漢吳王濞煮

海為利復開邦溝自茱萸灣下抵海陵倉及如皋蟠溪以通鹽艘隋煬帝幸江都命尚書左丞皇甫議發

淮南諸州兵丁十餘萬開邦溝自山陽至揚子入江渠廣四十步旁植以樹蓋前此揚州西北自末口達

六合入江東北自射陽湖入淮至是始自揚子達六合自山陽瀆入淮矣高郵州河隄即平津堰南北長九十里沿隄有閘閘外又有涵洞又五里一淺淺夫四十名以時撈溶閘有定制恒存水六尺過格即洩入下河以漸而去上下俱不至於淹沒即旱年上河水可以濟運運船過盡仍放洞水以救下河故邗人言西河水利以撈淺建平水閘為主今設滾水壩亦即平水閘之意也寶應縣環境皆水也城西門逼臨運河而西南西北紫之若玦焉弘濟河至萬歷十二年始定議成隄甚以為利但歷年清江通濟閘不閉黃水隨淮而入流沙日積漕渠日壅往來制邑有淺鋪九處所謂九淺也額設淺長淺夫防護隄岸宜嚴仍不時撈浚毋使沙積河高庶不負昔人定議苦心縣境設閘凡十餘座皆以分瀉水勢並引水灌田後知縣陳塏又新置瓦窑通湖閘一九淺通湖閘一蓋因弘濟河上接淮流閘口水溜難以牽挽故建二閘洩

水入湖水勢賴以平緩湖水大則閉
之漕水少則啓之濟運無潤田畝焉

淮安府在省城東北領州二曰海州曰邳州縣九曰

山陽

附郭

曰鹽城曰清河曰桃源曰沐陽曰贛榆曰宿

遷曰睢寧共糧十萬四百十五石

本

大清會典

通志九萬八千一

百四十
三石零

而安東縣則無糧也運河自黃浦至涇河十

里至平河橋十里至頭鋪十里至二鋪十里至楊家

廟十里至淮安府淮陰驛十五里至板閘關十五里

至清江浦三十里至清河縣清口驛渡黃河入清口

淮安府志云運河先受黃淮交灌河身日高增隄幾
埽城埽值歲漲官民驚惶阻漕運淹田廬山鹽高寶
並罹災傷而山陽境內凡瀕淮河者溝浦之衆皆渚
泄引河之利今淮湖交溢歲久淤塞盈涸不常弗相
通濟居民胥病時加浚鑿利莫大焉宗觀淮揚上
下流說云治歸仁高堰則淮揚之上流治矣然由高
堰視之則堰其上流也二十四湖下流也由漕隄視
之則湖其上流也隄東七邑下流也治隄以西之下
流所以分其來之勢治隄以東之下流可以多其歸
之道乎昔人慮之審矣下流洩水之大支有二曰山
陽之南涇河所以達海也曰邵伯之南芒稻河所以
入江也又由板閘至小壩沿隄設有減水諸閘四十
餘座而各場之海口如之苟啓閉以時成規不易則
至今可行所無事已涇河前被侵占今已開矣然新
口視舊狹尺許新基視舊高數尺間猶不間也芒稻
河二十四里入江之口運鹽之道也今亦間矣然必

河高內河下而後能東流年來挑浚不講牯基增高水不能就下甚或障之以通鹽夫障之則鹽利而漕病七邑俱病何若浚之深自不待障之力而鹽漕與七邑均利之為得乎且疏浚之成規具在可按而行之此二者用力至省奏功至易非若歸仁高堰之動國帑勞民力煩盈庭之議也唯不鑒智自私而力舉之不越二年上下流之患永底乃績矣

以上係江南揚州淮安二府之運道

江南運道張大端公治河書不

及載予特詳之而自江北以致潞河大端既詳載之予故從略

鳳陽府在省城西北領州五曰壽州曰泗州曰宿州曰潁州曰亳州縣十三曰懷遠曰定遠曰五河曰虹

縣曰霍丘曰蒙城曰盱眙曰天長曰靈璧曰潁上曰

太和運糧共六萬三百石

本大清會典通志四萬九千六百九十九石零

而附郭之鳳陽臨淮二縣並無糧也糧艘皆自淮河

而來停泊河口候盤驗後渡黃北上

江寧之六合縣與天長糧艘同

走淮河

廬州府見前六安州英山縣霍山縣糧艘亦自淮河

而來停泊河口候盤驗後渡黃北上

徐州在省城西北領縣四曰蕭縣曰碭山曰豐縣曰

沛縣運糧共四萬八千石

本 大清會典 通志五萬二千五百八十三石零

糧艘則自淮河而來停泊河口俟盤驗後渡黃北上

沛縣河道附見山東兗州府內

以上係江南鳳陽廬州二府及徐州一州之運道

淮安府清河縣自黃河口門十七里至桃源縣交界

三岔為安清中河自三岔一百四十里至宿遷縣張

莊運口為宿桃中河宿遷縣自張莊運口四十七里

至邳州交界窑灣口邳州自窑灣口一百二十里至

山東嶧縣交界黃林莊

以上係江南淮安府桃源宿遷二縣之運道

濟南府為山東省會領州四曰泰安曰德州曰武定

曰濱州縣二十六曰歷城附郭曰章丘曰鄒平曰淄川

曰長山曰新城曰齊河曰齊東曰濟陽曰禹城曰臨

邑曰長清曰肥城曰青城曰陵縣曰萊蕪曰德平曰

平原曰陽信曰樂陵曰商河曰利津曰蒲臺運糧共

十八萬八千八百石本大會典而新泰海豐霑化三縣

俱無糧也德州河道附在東昌府

兗州府在省城南領州四曰曹州曰濟寧曰東平曰

沂州縣二十一日滋陽附郭曰曲阜曰寧陽曰鄒縣曰

泗水曰滕縣曰嶧縣邳州接界曰金鄉曰魚臺曰單縣曰

城武曰曹縣曰定陶曰嘉祥曰鉅野曰鄆城曰汶上

曰東阿曰平陰曰陽穀曰壽張運糧共六萬三千二

百石本清會典而沂州剡城費縣俱無糧也嶧縣運河

自黃林莊九十八里至滕縣界朱姬莊有八閘曰臺

莊曰侯遷曰頓莊曰丁廟曰萬年曰張莊曰德勝曰
韓莊滕縣自朱姬莊五十里至江南沛縣界劉昌莊
沛縣自劉昌莊四十八里至魚臺縣王家口有三閘
曰夏鎮曰楊莊曰珠梅是為沭河魚臺縣自王家口
八十五里至濟寧州四里灣交界有三閘曰邢莊曰
利建曰南陽濟寧州自四里灣交界七十五里至五
里營之東濟寧衛交界有十閘曰棗林曰魯橋曰師
家莊曰仲家淺曰新閘曰新店曰石佛曰趙村曰在

城曰天井濟寧衛自五里營交界十七里至曹井橋
迤北交界鉅野縣自曹井橋交界二十五里至大長
溝迤南交界有閘一曰通濟嘉祥縣自小長溝交界
十六里至孫村交界汶上縣自孫村交界五十里至
靳家口東平州南界有閘五曰寺前鋪曰南旺上曰
南旺下曰開河曰袁家口是為南旺南河東平所自
東平州北界十二里至安山閘接東平州南界東平
州自靳口汶上縣北界十八里至安山閘有閘一曰

靳家口又安山閘接東平所河道三十里至戴家廟
閘下三空橋有閘二曰安山曰戴家廟壽張縣自三
空橋二十里至沙灣鋪接東阿縣南界東阿縣自沙
灣鋪南界十五里至五里鋪接陽穀縣南界陽穀縣
自東阿北界六十里至官窪口鋪接東昌府聊城縣
南界有六閘曰荆門上曰荆門下曰阿城上曰阿城
下曰七級上曰七級下自沙灣鋪至荆門閘計二十
里張秋鎮在焉運道咽喉是為張秋河

東昌府在省城西領州三曰臨清曰高唐曰濮州縣

十五曰聊城

附郭

曰堂邑曰博平曰茌平曰清平曰莘

縣曰冠縣曰丘縣曰館陶曰恩縣曰夏津曰武城曰

范縣曰觀城曰朝城運糧共十二萬三千六百石

本

大清會典

運河聊城縣自陽穀縣界官窰口鋪六十三里

至堂邑縣界西岸拔隄博平縣界東岸呂家灣鋪有

閘四曰周家店曰李海務曰通濟橋曰永通堂邑縣

自聊城縣界西岸拔隄三十五里至清平縣界函谷

洞係西岸一邊與博平縣對岸博平縣自呂家灣鋪
三十五里至清平縣界魏家灣迤南田家口係東岸
一邊與堂邑縣對岸清平縣自田家口三十九里至
臨清州界二十里鋪是為上河臨清州自清平縣界
二十里鋪四十里至真隸清河縣界鹽店北半壁店
清河縣自半壁店二十里至夏津縣界孫家口夏津
縣自孫家口二十七里至武城縣界橫河口武城縣
自橫河口一百四十六里至真隸故城縣界冷家墳

故城縣自冷家墳十六里至恩縣界孟家灣恩縣自
孟家灣至濟南府德州界曹家口鋪德州自曹家口
鋪十五里至德州衛界下八里塘水次倉在焉德州
衛自下八里塘八十九里至桑園良店驛直隸景州
吳橋縣交界是為下河而府屬之莘縣冠縣觀城朝
城四縣之糧在於直隸大名府之小灘交兌
以上係山東濟南兗州東昌三府之運道

河南府在河南省城西領州一曰陝州縣十三曰洛

陽附郭曰偃師曰鞏縣曰孟津曰宜陽曰登封曰永寧

曰新安曰澠池曰嵩縣曰盧氏曰靈寶曰閿鄉運糧

共五萬一千石

改兌米永折本
大清會典

汝州在省城西領縣四曰魯山附郭曰邾縣曰寶豐曰

伊陽運糧共八千六百石

改兌米永折本
大清會典

開封府為河南省會在黃河之南領州四曰陳州曰

許州曰禹州曰鄭州縣三十曰祥符附郭曰陳留曰杞

縣曰通許曰太康曰尉氏曰洧川曰鄆陵曰扶溝曰

中牟曰陽武曰原武曰封邱曰蘭陽曰新鄭曰商水
曰西華曰項城曰沈邱曰臨潁曰襄城曰郛城曰長
葛曰密縣曰滎陽曰滎澤曰河陰曰汜水運糧共八
萬六千九百石改兌米永折本而延津儀封二縣並
無糧也

彰德府在省城北領州一曰磁州縣六曰安陽附郭曰

湯陰曰臨漳曰林縣曰武安曰涉縣運糧共四萬一

千五百石改兌米永折本府境有漳河其源有二一

出山西潞州長子縣名濁漳自林縣西北入境一出
平定州樂平縣名清漳自涉縣入境俱東至林縣合
流經安陽磁州臨漳館陶界入衛河又有安陽河一
名洹水源出林縣洹山其水屢伏屢見流經安陽縣
永和鎮合衛河又有滏陽河其源有二一出磁州鼓
山合衆泉流至滏水亭下一出神農山黑龍洞東流
合漳水入衛河湯陰縣西有湯水舊名蕩水流經縣
東五十里過內黃縣入衛河林縣南有淇水東北流

經湯陰至淇縣北入衛河又南有浙水源出浙川縣
浙水村流經林縣南與洹水合又西北有滄溪源出
隆慮山過礪陽城合漳水入衛

懷慶府在省城之西北黃河之北領縣六曰河內

附郭

曰濟源曰修武曰武陟曰孟縣曰溫縣運糧共四萬

一千石

改兌米永折本

大清會典修武縣南五里有預河東流

至獲嘉縣入衛河

衛輝府在省城之北黃河之北領縣六曰汲縣

附郭曰

昨城曰新鄉曰獲嘉曰淇縣曰輝縣運糧共二萬九

千石

改兌米永折本
大清會典

府城北一里有衛河源出蘓門

山東八大名府濬縣界新鄉縣有小丹河源出山西

高平縣流至河內丹谷口自大丹河分流為小丹河

經河內武陟修武獲嘉至新鄉岔河尖入衛河輝縣

有靳脛河一名太和泉亦名陽河東流經淇縣界入

衛河又有三渡河在縣西四里源出百泉之南流入

衛河又有清水源出縣西南七十里山陽鎮東南流

經獲嘉縣界又東北入淇縣界合於淇水

按衛河自輝縣新鄉

縣汲縣淇縣湯陰縣至直隸大名府濬縣滑縣內黃縣元城縣又至山東館陶縣臨清州為汶衛合流處

詳見張文端公河防考而河南通省之糧先在大名府小灘水次交兌後題定在衛輝府水次交兌詳見

一百三十八卷中由水次至臨清隨幫北上

以上係河南河南開封彰德懷慶衛輝五府汝州一

州之運道

直隸河間府運河自德州良店驛三十里至景州安

陵巡司二十里至黃家園河口三十里至吳橋縣連

窩驛三十里至東光縣十里至油坊兒十里至下口
二十里至泊頭鎮管河通判駐劄焉又至交河縣新
橋驛二十里至齊家堰二十里至薛家窩二十里至
馬家口十五里至滄州磚河驛十五里至掘地兒十
五里至滄州長蘆巡司四十里至廢興濟縣乾寧驛
十里至周官兒屯四十里至雙塘兒十五里至靜海
縣奉新驛二十里至瀆流二十里至新口二十里至
楊柳青二十里至曹家莊二十里至天津衛

天津衛運河自揚青驛十里至丁字沽三汊河十里
至尹兒灣十里至桃花口十里至滿溝十里至下老
米店十里至順天府武清縣

順天府運河自武清縣楊村驛三十里至南北蔡村
十里至磚廠十里至王家務十里至榮村十里至白
廟十里至河西務對岸則香河縣十五里至王家擺
渡口十里至魯家渡五里至紅廟十里至靳家莊十
里至板罾口十里至蕭家林十里至通州和合驛二

十里至楊家莊十里至鄆縣馬頭十七里至公雞店
七里至沙狐堆六里至保蓮觀即里二寺十里至張
家灣十五里至通州潞河驛各省漕糧俱入通倉

通州城內有通流閘過天橋永通橋十二里至普濟
閘十三里至平津下閘四里至平津上閘十一里至
慶豐閘五里至大通橋入

都城五府白糧俱入

京倉 以上鄭元慶七省漕程

行水金鑑卷一百五十五